

度

支

奏

議

度支奏議目錄

新餉司八卷

題留員外米世發仍管鑄局疏

覆總河河南山東援兵月糧行糧疏

管理新庫主事王國祚考核疏

續查申甫遺存糧料疏

題差京卿催餉疏

覆崔餉部議催關薊糧料疏

覆崔餉部條議防衛諸款疏

更制天津葛沽兵馬疏

覆南操江繹道租銀疏

覆兩廣督臣按公費等餉疏

覆監生黃自儒助餉情虛疏

題覆楊肇基請發三屯糧餉疏

覆通州修築城垣工費疏

題請派分工部餉銀疏

覆錢法堂任內鼓鑄本息疏

覆寶泉局銅鉛銀兩留作鑄本疏

覆饒道長屯塩開山鑄錢疏

議復天津正振兩營兵馬疏

覆科臣裴君賜條議催徵禁革疏

覆陝西總督綏徵三府新餉疏

覆呂僕少奏報山東初解錢糧疏

覆崔餉部薦舉關鮮二運官員疏

覆科臣王猷卹饑民優將士疏

覆議典舖輪助軍屯加派疏

覆津部南直兩年召買舉劾疏

覆兵部議募練土著疏

覆南戶部題旌助餉諸臣疏

覆總理馬世龍月餉未給疏

度支奏議卷之八

太子少保戶部尚書淄青異自嚴視草

議留員外米世發仍管鑄局疏

題爲請官交代事專理新餉山東清吏司案呈崇
禎二年九月初一日奉本部送據協佐錢法河
南司主事米世發呈前事內稱職於崇禎元年
十二月內蒙本部題奉

欽依差管寶泉局事務於元年十二月二十九日到
任接管起至崇禎二年十一月二十九日止連

閏一年差滿所有關防文卷例應請官交代等因到部送司案呈到部具覆間准督理錢法右侍郎康新民咨爲議留賢能差官以培鼓鑄事內稱照得寶泉局近以奴警缺乏煤鉛停爐待鑄本堂受事伊始切念軍興煩費亟欲設處煤鉛刻期開鑄少佐軍需細查冊籍局中頭緒甚繁須得廉幹熟練差官悉心料理方克有濟今官理寶泉局員外郎米世發素著清謹不憚勤勞一應鑄務深爲諳悉茲當差滿亟欲弛肩部

屬固不乏堪代之賢然與其借資於新劓不細
倚籍駕輕就熟者使本堂得朝夕與之講求生
息剔除弊竇猶或便於拮据期有裨於軍

國也查得前任管理局務郎中杜汝愨曾留一
等
合無照例題

請相應移會等因到部該臣等看得鼓鑄一事頭緒
紛紜必佐理得人始能剔弊奏功生生不息查
得管理寶泉局主事今陞廣西司員外郎米世
發明敏勤廉不辭勞怨嚴省試而百工勸勉親

簡搜而諸弊肅清詢大有裨於

國計者也今本官及瓜請代堅謂此差繁苦亟須
卸肩第當此軍興之時正借

國府之利無以錢價日騰子母可計倘復交代及
煩更張終成作輟查前任該局郎中杜汝愨
業經臣部題

請交代奉

旨仍留鼓鑄成例可援此錢法侍郎康新民所以有
此例議留賢能之請也合無照杜汝愨例米提

發

勅令仍管寶泉局鑄務俟二年差滿方准更代庶局
務無紛更之擾而鼓鑄收久任之效矣既經咨
會前來相應題

請恭候

命下臣部劄令員外米世騷仍管寶泉局鑄務施行
崇禎三年正月初六日具

題本月初九日奉

聖旨米世騷仍管寶泉局鑄務本內字句遺失着改

正行該部知道欽此

覆總河河南山東援兵月糧行糧疏

題爲援兵抵城列營月糧行糧酌給擬實奏

聞伏乞

宸裁照常支給以固軍心以張撻伐事新餉司案呈
崇禎三年正月初三日奉本部送戶科抄出總
理河道提督軍務工部右侍郎兼都察院右僉
都御史李若星題前事等因奉

聖旨濟寧官兵准支本鎮行糧一項山東河南并着
照例支給李若星悉心措處具見急公該部知道

欽此欽遵抄出到司相應具疏題覆案呈到部
該臣等看得援兵遠來饑疲可念一切糧料臣
部先期措備運積城頭隨到隨給罔敢刻遲惟
是外解難前京儲有限賊虜未盡出口鯁鯁焉
不無師老財匱之憂乃總督河臣李若星疏

請自備糧餉解到軍前散給不煩臣部分毫且約山
東河南二撫臣一體支給殆備知臣部仰屋之
狀而代爲設身以處者也臣心寔甚避之感之
但臣部所給每兵日米升半塩菜銀三分每馬

日料豆三升草照近題定一束重十斤與河臣
號內所稱每兵日止米升半而不及塩菜銀馬
止日豆二升草二束似有異同想以軍務倥偬
或未暇詳核耳及查總河副將陳思明所領濟
寧官兵一千二百八十六員名馬一百九十一
匹自十二月二十三日起至正月初五日止每
日派米一十九石二斗五升豆五石七斗三升
草一百九十一束山東都司張盛治官兵一千
二十九員名馬騾六百八十五匹頭自十二月

二十六日起至正月初五日止每日派米一十
五石四斗六升五合豆二十石五斗五升草六
百八十五束都司劉澤清杜弘璫官兵三千二
十二員名馬四百一十八匹自十二月二十六
日起正月初五日止每日派米四十五石五
斗四升豆草自十二月二十六日起至正月初
二日止每日派豆一十二石五斗四升草四百
一十八束又自初三日起至初五日每日派豆
一十八石四斗八升草六百一十六束河南副

將王佐才官兵八千六十二員名馬七百三十八匹自十二月二十六日起至二十八日每日派米一百五石三升自二十九日至正月初五日每日派米一百二十石九斗三升豆二十二石一斗四升草七百三十八束是皆按日給發金無短少塩菜則陳思明官兵自十二月二十三日起到正月初二日止已共發過銀三百九十兩八錢張盛治官兵自十二月二十六日起至正月初五日止已共發過銀三百一十一兩

七錢劉澤清杜弘璫官兵自十二月二十六日起至正月初五日止已共發過銀九百一十五兩王佐才官兵自十二月二十六日起至正月初五日止已共發過銀一千四百二十三兩六錢俱各取有領狀實收附卷可據通計臣部所給各兵馬本折糧料視河臣所議餉額大率相等卽未能悉致飽騰亦似可無呼庚癸而河臣職云各兵尚有告急告饑耳不忍聞之狀則臣部連日運送銷歸何處豈各營實收領狀可以

空言勒取者耶臣願河臣一細覈之也今

皇上業俞河臣之請准支本鎮行糧且令山東河南
依例措給則三處官兵塩菜銀除已給發一次
外此後似不必再發矣獨本色米豆草束聽其
槩從本鎮解發誠恐道遠不便轉輸卽彼中解
銀此中市場而都城以外村落殘破收買亦復
不易合無臣部照舊給發事平乃已蓋河臣悉
臣部之苦不欲相煩以供億而臣固結軍心之
念亦不敢自後於河臣庶幾中外共濟於以仰

佐

皇上撻代之威是固臣誼之所不得而辭耳伏乞
聖裁勅令臣等遵奉施行

崇禎三年正月初八日具

題本月初十日奉

聖旨這放給過三處援兵糧料取有實收知道了餘
依議行欽此

管理新庫主事王國祚考核疏

題爲考覈司屬官員事專理新餉山東清吏司案
呈奉本部送據專理新餉銀庫主事王國祚呈
前事內稱職奉本部題差專理新餉銀庫遵於
崇禎元年十二月二十二日到任至二年十一
月二十一日連閏一年差滿呈蒙本部題

准江西司主事陳觀陽交代業於二年十二月初四
日將任內兌收兌放過銀兩數目逐一盤兌明
白於初五日交與陳觀陽接管訖今查任內共

計收放過各項銀四百二十八萬七千五百兩
十四兩九錢零其舊管新收開除實在備造文
冊呈報本部堂外爲照庫務事竣例應考覈等
因到部送司查得新餉銀庫收天下輔將完金
進命脈以數百萬金錢持籌握筭酌盈虛於緩
急慎出納於均平任綦重也今王主事專理茲
任秉冰蘖之操遵兌支之例凡遇收放錢糧悉
令解領面相秤兌使吏胥束高下之手出入受
均平之惠經年會計真可謂綜覈詳明而秋毫

不爽者今當差滿相應題叙案呈到部該臣等
考得本官神識宏沉操持瑩潔遵允支以衡出
納鮮領無不公之嘆而數百萬之金錢井井有
條勞績誠爲可嘉今旣一年差滿委應從優題
叙恭候

命下臣部准令本官回部管事仍咨吏部從優紀錄
施行

崇禎三年正月初十日具

題本月十三日奉

王曰作回部管事仍着紀錄該部知道欽此

續查申甫遺存糧料疏

題爲恭報續查軍需事專理新餉山東清吏司案
呈崇禎三年正月十二日奉本部送戶科抄出
叅佐御史金聲奏前事等因本年正月十一日
奉

聖旨知道了以後軍需不許擅自取發該衙門知道
欽此欽遵抄出到部送司案呈到部除軍器一
事聽工部遵行外查疏開將官古壁續查見存
廣寧門外大井地方萬佛寺內軍需米七十石料

三十五石又守備李用昌續查出陣亡叅將項
希稷遺下

廣寧門外萬應菴內軍需米一十八石八斗豆小
斗一石八斗隨行原管申甫營兵行糧監督主
事趙燭查收去後本月十一日據本官報稱職
同金叅軍委官至萬佛寺盤量遺米七十石豆
三十五石照數查收交與

廣寧門副總兵施洪謨營內訖其萬應菴遺米一
十八石八斗原係小斗盤量今斛量止一十五

石五斗豆一石八斗今斛量止一石五斗亦俱
交與施營訖十二日又據本官報稱職同

廣寧門提督委官李朝印等公同盤量申甫所遺
米七十一石豆六十九石五斗俱交與施營訖
理合回報等因到部該臣等看得申甫前項所
遺糧料斗斛既有大小數目不無少異今業查
收明白轉交該門扎營副總兵施洪謨收抵軍
餉作正支銷則顆粒仍歸實用可無虛靡之患
矣既經回報前來相應具本題

知

崇禎三年正月十四日具

題本月十六日奉

聖旨是欽此

題差京卿催餉疏

題爲虜患方殷匱乏無措請乞

亟勅差官守催以濟軍需事專理新餉山東清吏司
案呈本年正月十四日蒙發下該本部題前事
奉

聖旨狡奴犯順寰海同仇一切京邊新舊額餉義當
先期那解并嚴督逋欠以濟軍興這差官守催塩
課分解俱依議行着各該撫按遵照諭旨部限責
成司道郡邑共圖急務如期完解者超擢示勸支

吾不前者重法立懲毋徒以紀錄降罰沿習叅奪
有能於額解外搜括堪動錢糧借助兵餉者撫按
官并行優異差去官爾部還會同該科道擇才幹
嚴限考覈奏內員名不得輕委山東河南二撫卽
與知會行如各該撫按怠慢爾部與該科不時糾
叅不得以此一題了事欽此欽遵蒙發到部該臣
等看得軍興浩費供億艱難庫藏之匱乏無甚
於今日而外解之急需更無迫於此時者也夫
催餉臣部事也邇來兵務倥傯官少事煩各有

差委不能分道四馳不得已而取材於別衙門
臣已總總焉慮其位卑權輕有負督催之

翼命仰荷

皇上神明洞鑒臣部匱乏奉有不得輕委

明旨蓋以事權不重則委差輕而品望不重則事權
轉輕因與科臣解學龍并四酌議非藉重京卿
諸臣不可彼或起家推知或久歷臺垣宇內地
方半爲足跡所經履而錢穀之窵窵尤其所諳
練而熟嘗者風力素著地方有司已欽之如山

斗且其品地與撫按相埒又便於商確那移有
司不遵奉者執白簡繩之朝至夕辦不至仰

面聽意旨於地方如是而各省轉輓有不鱗集
闕下者鮮矣且於此更有說焉京堂諸臣經文緯武
俱饒名世之望鎖鑰重寄當在轉盼惟是缺少
人多其英雄任事之熱腸半消於坐糜之日月
久矣碩

皇上於勸獎之中寓疏通之法督催各省錢糧已有
嚴限果能先期全完者或不拘資次破格擢用

遇缺卽補以爲勞臣勸倘徇情面而恣遲緩則
有考覈之

明旨在其誰敢寬至於諸臣急公之忱同仇之義不
後於臣又無俟臣之喋喋也謹同科臣咨詢應
差官員列名上

請伏候

勅下臣部速催就道蚤濟軍餉施行

計開

浙江省

太僕寺少卿蔣允儀催

江西省

太僕寺少卿朱大啓催

福建省

太僕寺少卿帥 衆催

河南省

太常寺少卿章光岳催

山東省

太僕寺少卿練國事催

山西省

太僕寺少卿呂維寧催

陝西省

太僕寺少卿喬承詔催

廣

東省

太僕寺少卿王心一催

湖廣省

太常寺少卿劉先春催

淮楊蘇松常鎮六府徐州

太常寺少卿王夢尹催

應安廬鳳徽寧池太八府縣和廣三州

通政司右叅議沈應時催

崇禎三年正月十八日具

題本月二十日奉

聖旨急公大義臣子同心差去各官着會同各該地方撫按嚴責司道遵照部文款項設法區處以濟國用仍聽不時舉劾便宜行事爾部還照道里遠近分立限期來着若過限不應的該部科卽行糾

叅差官并撫按同罪這差官俱依擬內呂維寧原籍山西不便舉劾着與練國事換了各官當以國計爲重功罪攸關毋徒借差自便該部知道

覆崔餉部議催關薊糧料疏

題爲遵

旨星馳回鎮兵餉萬分緊急敬報地方情形併陳催
僨事宜祈

勅速議舉行以足兵食事專理新餉山東清吏司案
呈本年正月十一日奉本部送恭接

御前發下天津部院崔爾進題前事本月十一日奉
聖旨崔爾進回鎮并報地方情形知道了僨催事宜
自係急務關寧存調兵數卽與查覈以便發運派

買米豆地方有司加意料理務於二月終至津運
者叅處河間貯銀充餉不得別用餘着依議覆行
該部知道欽此欽遵蒙發到部送司案呈到部除
准議奉

旨充餉無容那用外該臣等看得開寧薊門以及東
江兵馬所恃爲飽騰之資者全仰給於津運今
虜騎在郊征調四發轉輸供億視往昔更宜速
速茲據督餉部臣崔爾進條議首查開寧存調
兵數次議量增豆價并責成道屬催償及勒解

運限期深係救時濟急之要着相應開列前件
依擬覆

請恭候

命下臣部移文津部閣部兵部并各該道屬遵奉施
行

計開

一議運却信地查得關門內外應用米豆
悉於津門者原分却於南海口中右寧
前等處今兵多征調分防應援師行糧

從似難拘泥舊例則存調之數與防駐之地不可不審也第兵機神密多寡無常數進止無定隅臣部無從遙度業經移咨樞臣閣部確查徑報津部以便運辦至于運價一節委應酌地里之遠近以爲多寡合聽津部酌議咨部即便措發津部務期遄運接濟可也伏候

聖裁

一議召買豆價查得預計崇禎三年豆價

每石五錢加以運價五分茲值逆奴內
訖附近州縣村落幾空豆價騰貴收買
實難津部上籌軍

國下恤民瘼議增一錢之請誠有不容已者應照
天啓七年災傷事例每石准增一錢以
彰

皇上軫恤之仁伏候

聖裁

一議薊鎮料豆查得預計款內薊鎮原派

折豆八萬七千七百六十八石每石四
錢二分該銀三萬六千八百六十二兩
五錢六分原應薊州餉司領銀自買祇
以虜警軍興正急恐不敷用議令津部
將附近地方額豆派撥運薊今津部議
將霸屬豆六萬石密屬豆二萬石餘以
津運補之歲接攘之地旦暮可以接濟
深爲妥便內如良鄉固安等縣被虜殘
破自宜免派其不足者又有臣部積欠

一萬三千石之數似不必再令道屬州縣通融派買也倘虜馬漸遠或量行議折以甦殘黎亦酌盈濟虛之權宜耳伏候

聖裁

一乞

欽限嚴催查得節年預計糧料原限頭年冬底買完二月輓運今軍興旁午所需糧料尤爲萬分喫緊必諸臣星夜督催先期運發

方克有濟定限二月終旬至津轉運倘
依限全完者特疏薦舉優叙以爲急公
者勸如違限不完者糾叅重處庶勸懲
明而軍需無稽悞之虞矣伏候

聖裁

崇禎三年正月二十一日具

題本月二十四日奉

聖旨依議速行

覆崔餉部條議防衛諸款疏

題爲天津屢獲奸細糧儲防衛當周敬陳救急之
策以保萬全事專理新餉山東清吏司案呈本
年正月十九日奉本部送恭奉

御前發下天津部院崔爾進題前事等因奉

聖旨津門重地狡伺宜杜這防禦各款如議行該部
知道欽此欽遵蒙發到部送司查得款內多係兵
工二部事除移咨各該部臣聽其遵照議處外
其議留運價並照新兵例給糧及給城守

米三項係本部事相應請飭該部呈到部該臣等
看得津門為漕儲重地水陸要衝值茲狡奴匪
測之時當切舉土綱縶之計今津部崔爾進條
議防衝諸款其可謂應急先着切中機宜者也
相應開列前件依擬覆

請恭候

命下臣部移文津部遵奉施行

計開

一議開濠引河欲將海防水陸營每年稻

穀銀二千四百兩作運價者量留二年
以成其功查得津門奸細時聞狡奴可
慮引河以據險誠目前救時之急務然
工程浩大爲費不貲雖事隸工部非臣
部所司然而詎切同仇自當共濟運價
一節亦漕務不容已之需減於此則增
於彼臣部財用亦在匱絀或准量留一
年以佐緩急至於有餘不足應與工部
商確措發者也伏候

聖裁

一議禦夷長技查得摧鋒滅虜莫善火器而火器手必得精熟乃爲可貴倘不厚其糧糗誰爲應我招徠然另募新兵又添一番新餉今津部議將左右營故絕軍丁名糧召補火器手則已有應得之月糧矣至擇其最精者照新兵例給糧則又有各府拖欠之遺糧盡數查出催解量行酌給以合新兵餉例之數庶選

兵於軍移糧作餉一轉移間而兵介感足矣伏候

聖裁

一營軍守城查得津城聚糧轉餉彈丸之關係匪輕故必多集守垓之軍始克雄屹然之勢但各軍散處村庄離城寫遠而責之荷戈城守風飡露宿情景凄其若不有額外之仁何以作勿去之義今津部議每軍於應得月糧外每月增給

銀一錢三分行糧四斗五升是寓鼓舞
于軫恤之中所當依議以收城守之效
者也事平卽止不得常以爲例伏候

聖裁

崇禎三年正月二十四日具

題本月二十九日奉

聖旨是欽此

更制天津葛沽兵馬疏

題爲更制天津兵馬汰冗節費事專理新餉山東
清吏司案呈崇禎二年十月二十五日奉本部
送戶科抄出天津督餉部院崔爾進題前事等
因本年十月二十日奉

聖旨葛沽海蘄練兵防衛自宜以操兼屯這租銀酌
抵運價餘用置造船械併豁免蘇兵以資操汎旣
經酌妥卽與覆行該部知道欽此又該巡按直隸
監察御史李玄董羽宸薊遼總督劉策保定巡

撫解經傳督師尚書袁崇煥各會題前事俱奉
聖旨已有旨了該部知道欽此欽遵通抄到部送司
案呈到部該臣等看得葛沽在天津下流爲水
陸要衝舊設營兵二千名分駐海防以資捍衛
責綦重也前撫臣汪應蛟議置屯田每兵一名
授田四畝歲輸稻穀八石積貯在營以爲行糧
船械等費不過以操蕪屯寓兵於農實爲妥便
嗣後屯撫董應舉竟以稻穀充運價兵已非初
而復扣餉以抵稻穀不惟以屯廢兵抑且併其

慮而失之矣樞臣謂以兵兼屯可以屯廢兵不
可以屯充餉可以餉易屯不可良有見也今督
臣崔爾進議將水陸營兵每名照舊給田四畝
令其自爲屯種每軍歲納稻穀八石歲入稻穀
一萬六千石共該折銀四千八百兩內以一千
二百兩爲脩造舡隻置買器械火藥馬騾等用
令其武備修整仍豁其一千二百兩以蘇兵力
俾籍以資操練出汛哨瞭防守其餘二千四百
兩抵作運價從此屯無荒蕪之慮兵無朽鈍之

虞行之永久是兩利之道也既經會題前來
應覆

請恭候

命下臣部移文各該衙門遵奉施行

崇禎三年正月二十六日具

題本月二十九日奉

聖旨是欽此

覆南操江緯道租銀疏

題爲親丁月糧

欽准動支緯道租銀銷筭明白謹具疏

奏繳乞

賜歸併操院徵收以助遼餉事專理新餉山東清吏
司案呈崇禎二年十月二十二日奉本部送戶
科抄出操江都御史謝文錦題前事內稱准戶
部咨接戶科抄出懷寧候今聽叅孫承廕題奉
聖旨這地租銀着行操江都御史徵收入正項餉

額江旭并行查究如有占枉別情不妨從公繳奏
該衙門知道欽此欽遵抄出到部備咨到臣煩照
明旨內事理將灘地租銀按額徵收仍將租額核實
開覆以便筭入遼餉新額其江旭夾帶大木三
千餘根漏報

國稅并盜木一十八根情節從公勘問有無虛實
速行奏又准兵部咨同前事隨經行據應天
府理刑推官陳廷詒逐一查審明白招詳前來
該臣叅看得灘租之徵乃新江口營一帶緯路

向爲屯軍侵占而舊操府臣孫承廕清查定界
令商人堆木起租以給隨行親丁之月糧後因
操府被論而屯軍李彩等復萌覬覦之思故操
府臣有激具疏奉

旨行臣衙門徵收入正項餉額臣敢不兢兢從事隨
牌委把總徐石磨張應禎等確查原委具繇呈
詳復批應天府理刑廳推官陳廷詔再行覆查
皆稱江水消長無常灘地衝決不一商人灣泊
無定租銀多寡難擬卽操府臣原疏亦自謂水

漲木多水涸木少各年不等則欲以無定之
灘而坐派有常之額賦此實難者今據該廳議
商人堆木灘上仍照蕪關稅單每兩納租銀五
分完貯上元縣庫則牙行不得高下其手而商
人亦不得隱漏作奸此徵租之法可通而可久
者至收入正項餉額查通年操府徵租量地折
丈稽覈甚嚴欵怨甚衆而通融裒益每年不過
七百餘兩今照稅起租其數更少臣見營衛軍
兵計口授食常虞虧缺而南計空乏捉襟露肘

仰屋肝衡此數百金者在北部特大海之半濟
在南部實中流之一壺况臣標下奇兵營月食
部餉九百餘兩則灘租歲入尚不足一月之支
合無以此項租銀徵收上元縣庫者彙解南京
戶部以濟其窮想

皇上慮深根本司農計切縹緲當不待臣詞之畢矣
至查究江旭所販之木自上而下蕪湖完有稅
單京關而復納稅監督又復查驗何所容其夾
帶卽操府灘租亦憑官舍戴國泰交納完訖祇

緣府役張林需索未厭而誑稟罰木實非其辜
但因操府被論乘機挾取不候稟明徑自報
殊爲刁悍宜杖以懲旣經營廳各官從公查
前來謹具疏奏

請伏乞

勅下該部再加查議覆

允行臣遵奉施行其操府交存租銀四十八兩八錢
零五釐九毫又陸續徵收租銀六百一十七兩
八錢六分五厘至崇禎二年七月終止通共銀

六百六十六兩六錢七分九毫并江旭等紙贖銀共五兩二錢五分恭候

命下彙解南京戶部收入正項餉額支銷等因崇禎二年十月十六日奉

聖旨該部知道欽此欽遵抄出到部送司案呈到部該臣等看得灘地租銀出於新江口營一帶緯道向爲屯軍所占自舊標廢臣孫承廕查出定界令商人堆木賦稅題

准親丁月糧而灘租之稅自此始矣繼而清查丈量

每灘地二丈徵租五錢歲約銀七百餘兩而灘
租較倍第灘傍江濱消長不一商人之灣泊無
常租稅之多寡因之似難定爲額例惟無定額
則乾沒可虞今議專責上元縣印官凡遇各商
堆積竹木者必照舊關稅單每兩徵銀五分親
自驗收毋假衙佐之手盡其歲之所入彙解濟
遼庶商人無隱漏之弊衙役杜侵欺之端而遼
餉亦收涓埃之助矣至江旭所販木既有各關
稅單可據則其夾帶與否或屬難憑第旣罰之

木卽係在官安得因操府被論而徑自盜回且
中寧有三尺平一杖之懲猶屬寬政所罰大木
十八根自當仍追入官以作正供其操府例無
親丁嗣後不必再設所有交存租銀四十八兩
八錢五釐九毫又陸續徵收銀六百一十七兩
八錢六分五厘至崇禎二年七月終止共租銀
六百六十六兩六錢七分九釐并江旭等紙贖
銀五兩二錢五分均應作速解部以充遼餉急
需者也既經具題前來相應覆

請恭候

命下臣部移咨各衙門遵奉施行

崇禎三年正月二十六日具

題本月二十一日奉

聖旨依議各該衙門知道欽此

覆兩廣督臣按公費等餉疏

題爲仰遵

明旨力行節省摺括以抵新派公費以濟軍需事
理新餉山東清吏司案呈崇禎三年正月二十
三日奉本部送戶科抄出廣西巡按御史汪應
元題前事等因本年正月二十二日奉

聖旨這解到公費銀兩着戶部查收元年派銀還着
該部酌奏欽此又先該兩廣總督王尊德題爲遼
餉不敷濟急無奇懇祈

聖明申飭務覈襍項新餉實數并求清覈虛冒實
以資飽騰以垂永賴事內開嶺西海北南羅定
等道曠餉除支補缺額及修造兵庠外歲約可
節存銀一萬兩又查梧鎮軍兵稅餉照例酌減
班軍土兵及嚴覈稅餉歲亦可存銀一萬兩合
之每歲輸銀二萬兩自崇禎二年始解部濟邊
等因崇禎二年十月初十日奉

聖旨戶部知道欽此欽遵抄出到部送司除廣西巡
按起解二年分公費銀一千兩已經解到照數

查收充餉外元年派銀并兩廣督撫軍餉一項相應一併議覆案呈到部該臣等看得先因東事孔疎遼餉缺乏議令省直督撫軍餉撫按公費酌捐助餉天啓元年奏

准至三年始爲派定額數繼因未盡奉行解者寥寥完無十一復該臣部於崇禎元年十月內具因新舊兩餉之誦一疏內開自崇禎元年爲始務要查照原數解部充餉等因題奉

欽依通行申飭去後今據兩廣督臣王尊德廣西按

臣汪應元具題前來爲照督撫軍餉撫按公費
二項銀兩原爲遼餉匱極而派誠非獲已矧今
逆虜長驅軍興百倍往昔需餉更繁方欲理財
於額外豈可歎於額內乎查廣西巡按每年派
公費銀一千兩廣東督撫每年派軍餉銀四萬
一千兩今按臣汪應元止解任內二年分一千
兩而欲免前任元年之銀督臣王尊德止認歲
解二萬兩較之原派少認二萬一千兩又欲以
二年爲始夫二臣者或以連年之搜括無餘或

因軍事之掣肘難措情非得已故有此

請但事關餉務減一分於此卽縮一分於彼則議減
議免之漸似不可長然已徃之歲月事屬他人
見在之年分責在當身必欲令其掣後而補前
芸人而舍已誠難言之與其強人所難而徒滋
逋欠又不若權宜酌定而蚤收實用爲兩便而
易行之術也合無俯從所請東西兩粵總督按
院軍餉公費俱准自二年爲始以後無年派解
不得再有陳乞仍將總督軍餉四萬一千兩量

減三分之一俾督臣不苦於無米之炊而益
其急公之念此又

皇上之寬政而非臣部所敢擅便者也既各具題前
來相應覆

請恭候

命下臣部移文各衙門遵奉施行

崇禎三年二月初六日具

題本月初九日奉

聖旨依議行

覆監生黃自儒助餉情虛疏

題爲目擊時艱捐貲助餉以效微忠以全父志事
專理新餉山東清吏司案呈崇禎二年九月十
五日奉本部送戶科抄出巡按直隸監察御史
田唯嘉題前事內稱奉都察院勘劄准戶部咨
抄出監生黃自儒奏前事奉

聖旨監生捐貲助餉着行該撫按照數驗收戶部知
道欽此又奉本院勘劄准戶部咨該例納中書舍
人黃自芳奏爲欺

君減倫勘實正法以安民生事奉

聖旨着開明籍貫另行具奏欽此又該黃自芳奏爲

遵奉

聖旨開明籍貫另行具奏仰祈

恩宥恩蒙電察欺

君減倫勘實正法以安民生事奉

聖旨該撫等查從實具奏欽此欽遵移咨備案到

臣等

卅行檄安兵備道轉行該府縣速行動

備具疏捐貲銀兩見在何處有無庫

實者自芳情願共輸或係自儒誣害從公招
查伊父聞書遺墨兄弟告案具招詳奪以
憑回

奏等因去後屢經嚴催該徽安兵備道左布政使
王公弼偁行本府轉行到縣隨該本縣朱知縣
嚴拘黃自儒黃自芳并里圖里排戶族復加研
審明白招解到府覆詳到道該本道看得黃自
儒與黃自芳同胞一氣各懷異心其父黃洵存
日逆知諸子日後爭構將家貲三萬三千有奇

分作五股立有閭書五子各分六千餘金以杜
闕牆之釁其慮深矣自儒不咎已之蕩敗不自
而惟懷嫉其兄父死卽訟自華畏惡而與和處
復逞故智而訟自芳芳亦勍敵相構十餘年以
前何無父存餘貲貳萬助餉之說而待今始鳴
耶今自芳所憑者有父分書可據戶族里鄰可
証自儒止有抄白遺囑數行又云真筆爲族兄
汝駿詒去並其人亦屬于虛無從質對自儒安
所取憑而造此寀兄之欺誑乎府縣屢審情虛

本道恐其如鬼如蜮之奸復飭如醉如夢之語
覆行查勘據族約里排公結咸稱其父閭書外
別無餘貲捐餉鄉評公論確然可據自儒輕賈
宸嚴委出長誕論其情則欺

君當斬合之律則徒褫有餘辜也取問罪犯議得黃
自儒所犯合依奏事上書詐不以實者律杖一
百徒三年有

大誥減等杖九十徒二年半係監生有力照例納米
贖罪褫革衣巾合候具奏

定奉照出費自儒黃自芳各官總銀二錢五分黃自
儒贖徒米價銀十五兩通共紙贖銀十五兩五
錢追貯府庫候文支解取庫收附繳等因具摺
呈詳該臣會同巡撫應天右副都御史曹文德
看得黃自儒黃自芳同胞雙敵手足相殘財納
衣冠罔知義禮不友不恭均不足齒于士紳者
夫獨就事論事則不無虛實之分焉儒父黃洵
生有五子家貲止有三萬三千五股均分各得
六千有零安所得二萬多金肯以助餉耶恐非

無此義士也况兄弟許告多年有司無論卽嚴
監衙門無不遍歷其爲讐証足驗矣且自儒所
據者伊父親筆遺囑而索之烏有謾云交與黃
汝駿則遺囑之說爲載鬼更明茲據族里公結
是爲鄉評確案

聖明之世當不容此無端開釁之元惡該道府縣屢
鞠相同又經臣面審覆核無異自儒具疏虛誕
輕瀆

宸聽引以奏事不實於律旣符褫配允當至黃自芳

不善處弟客齋起訟自其本色若云原領助餉
銀兩委無確據似難懸坐等因本年十月十二
日奉

聖旨該部知道欽此欽遵抄出到部送司案呈到部
該臣等看得黃自儒者黃自芳同胞弟也銅臭
衣冠原不齒於士林手足相仇煩連年之訐告
訐告不已復借助餉題目巧噬其兄獨不思伊
父之遺囑無憑而族里之公結可擬乎止知操
同室之戈輒敢恣入

告之誕律以奏事不實褫革論配允伏其辜取餉銀
兩已經該地方官反覆詳審原無確據姑免追
究罪米紙贖照數解部充餉既經會題前來相
應覆

請恭候

命下臣部移文各衙門遵奉施行

崇禎三年二月初七日具

題本月初十日奉

聖旨是欽此

覆總兵楊肇基請發三屯糧餉疏

題爲接濟三屯孤軍以資進勦事專理新餉山東
清吏司案呈崇禎三年正月十五日奉本部送
恭接

御前發下薊鎮總兵楊肇基題爲孤軍進勦併陳下
惻事奉

聖旨楊肇基兵抵三屯糧餉速與運給請建羅城外
砲房亦是長慮卽如議覆行該部知道欽此又准
兵部咨該薊鎮總兵楊肇基奏爲恭謝

天恩併報進守三屯之期兼陳時艱事奉

聖旨楊肇基奏爲沿邊藩籬盡失大兵不

知邊警又該兵部咨該楊肇基奏爲逆弁已獻

危城孤軍死保萬全大挫狂虜恭報捷音事奉

聖旨楊肇基誅逆扼虜保屯奏捷并將士俱候叙賚

還着加意控防不得稍疾所需兵餉該部卽與計

發欽此又該楊肇基奏爲沿邊藩籬盡失大兵不

應久延三屯死守力竭糧芻已罄數日萬分危

急事奉

聖旨據奏三屯須援甚急所請兵餉着從薊州分發
接濟牽勦夾擊該部還傳與樞輔總理秘議酌行
該衙門知道欽此又該巡關御史張學周題爲偵
探虜情備陳永平失陷顛末并採羣議謬獻一
得伏乞

皇上速

勅大兵進勦驅逐奴氛以奠危疆事奉

聖旨這歷探虜情知道了合擊已有屢旨近報虜且

西向通州急宜防禦塩菜銀兩着速行給發該部知道欽此案查先蒙

御前發下兵部候選主事管順天府通州事盧承業題爲奴氣未靖百務紛紜州庫久空萬難料理仰祈

聖明慨發金錢以救眉然事奉

聖旨通城守禦錢糧委宜設法區處前已有旨借發如何久未題覆着戶工二部商酌權宜速行接濟仍卽同奏欽此查得先該盧承業題爲州庫懸罄

等事奉

聖旨通州援兵四集供應繁劇庫藏空虛廬承業力
任搜括各部可借發的卽與覆行欽此已於去年
十二月二十日附入通薊軍興疏內并覆訖今
各題奏前來相應通行具覆案呈到部該臣等
看得逆奴竄入內地盤踞遵永沿邊一帶半遭
蹂躪三屯居遵永之間當虜騎出沒之地楊肇
基以忠義激發以孤軍捍守儼與榆關薊門相
爲犄角雄畧足嘉師行糧從奚待呼之而後應

哉屢奉

明旨一則曰糧料急需著薊鎮餉司速運一則曰所
請兵餉著從薊州分發則臣部之長鞭難及

聖明已洞若觀火矣臣部遵

旨各行順天撫臣并劄薊鎮餉司運給糧草臣復手
書移撫臣云楊帥駐兵三屯勢甚孤危奉

旨令薊鎮餉司接濟顧虜馬出沒賫盜堪虞非輕騎
不能達非暮夜不可行亟須設法轉運臣部未
嘗一刻不注意也及得撫臣方大任回札謂三

屯糧道梗塞曾與監軍餉司酌派車牛繇玉至
豐而以州縣駐防兵逐程護送更慮鉄廠間虜
夷要截先通信於三屯令出馬兵接應其計亦
可謂周又接餉司何朝宗呈稱今委官張鳳習
等徑往豐潤同該縣王主簿收買糧料轉運又
於正月三十日發銀一千兩令三屯領餉委官
齎付三屯倉舊商宋文炳召買臣以爲如此設
法接濟或可少慰孤軍之望不意餉司呈文甫
至而楊帥之呼籲又聞矣豈前言皆虛耶抑言

之而不能行耶臣又於初十日發銀五千兩差
官上有功星速解赴薊撫軍前聽從間道轉運
仍行薊州司道速運本色務令可免庚癸之呼
惟是臣部所備者餉耳卽餉司亦無兵馬之責
虜若搃險豈能飛越則內而調度在樞臣外而
接應在撫道監軍總理諸臣各有同室纓冠之
誼而無徒却擔於臣部爲也若夫通州爲

神京屏翰援兵鹽菜何敢後時臣查去年十二月
內覆閣部孫承宗之

請將寄貯開寧餉銀六萬八千三百四十九兩有奇
又天津買米銀六千三百兩內除發通州兌運
廳召買銀一萬薊餉銀三萬賞

貢夷銀四千五百六十餘兩外實留在通銀二萬
九千八百二十五兩八錢零今據冊報已支過
鹽菜等銀二萬三千七百五十二兩三錢零又
用過城守火藥器具犒賞等銀二千八百一十
九兩二錢九分零尚存銀三千二百四十四兩
二錢零此該州知州龔承業與通糧廳郎中丁

流芳冊報之數也又正月內臣發銀一萬兩差
官趙英武解撫臣方大猷來寄通順今通州駐
防京營之兵鹽菜向在京支領業支至正月終
矣其係赴防兵鹽菜亦應有支至正月二月之
銀似未乏絕且有請將所報支放冊內城守火
藥器械犒賞衣裝等項不應臣部出者無不取
給臣部餉內豈臣部真爲不涸之源哉臣於冊
報未到之先已於初十日發銀五千兩今又議
發銀五千兩俱解通州作鹽菜之用矣總之通

州錢糧原無司官專管故得任意支銷信口呼
籲查得空運主事林弘衍精心朗識才足辦此
以後通兵支給糧料塩菜等項一以委之查照
都門管理援兵行糧司官事例一切支銷細數不
時呈報臣部庶事有責成可無濶濬然臣於此
更有說焉滄海之大難填漏卮數月以來兵士
豈無逃亡馬匹豈無倒損而塩菜料草並無報
扣減者殊不可解臣部司餉之官原無彈壓之
權稍一查問數目誼囂輒起其間情弊誰復過

而問焉臣以謂在通州則見有關臣按臣在薊
州則見有監軍臺臣持斧之使威令易行今後
二鎮援兵支領行糧鹽菜先赴巡關監軍衙門
掛號如關臣出巡則赴按臣掛號細加稽查且
有增減則日有扣除移會餉司以便給發餉司
將實在支放數目造報臣部庶計口授食虛糜
可杜而事權不至中格矣既經諸臣題奏前來
相應題

請恭候

命下臣部轉行各該衙門遵奉施行

崇禎三年二月十三日具

題本月十四日奉

聖旨據奏三屯本折屢經設法接濟如何尚蓮呼請
着巡關御史速行查理通餉卽筭林私行截營分
發仍行關按二臣稽覈

覆通州修築城垣工費疏

題爲奴氛未靖百務紛紜州庫久空萬難料理仰
祈

聖明慨發金錢以收然眉事專理新餉山東清吏司
案呈奉本部送准工部咨內開該本部題虞衡
清吏司案呈奉本部送准戶部咨該兵部候選
主事管順天府通州事盧承業奏前事內稱州
庫如洗供應匱乏臣前有州庫懸罄一疏已奉
聖旨通州援兵四集供應煩劇庫藏空虛盧承業力

任搜括各部可借發的卽與覆行該部知道欽此
未蒙題覆伏乞

皇上軫念通州爲

神京咽喉重地安危相倚呼吸相通非空手可以
撐持乞

勅戶工二部速催借一二萬金立刻領運到州用以
先時整理等因奉

聖旨通城守禦錢糧委宜設法區處前已有旨借發
如何久未題覆着戶工二部商酌權宜速行接濟

仍卽回奏欽此欽遵咨會到部送司案呈到部該
臣等查得本部庫藏近因虜警告急費用不支
今奉

聖諭局廠贖造軍需苦無措辦正在仰懇

聖明俯籌接濟而復欲以自救不暇者代人周急不
惟臣部萬萬不能而臣部匱乏之狀亦在

聖明洞燭之中通鎮所需自當別議不待臣辭之畢
矣伏乞

皇上勅下臣部欽遵施行等因奉

聖旨該部既稱匱乏通州借解銀兩併着戶部另行酌議欽此欽遵咨會到部送司查得先該盧承業州庫懸罄一疏隨於去年十一月二十日附入通薊軍興需餉疏內并覆訖其續具奴氛未靖一疏內開城垣低矮加厚加高城濠淤淺宜挑宜濬建造砲臺

請發神器分撥紅夷種種興作以千萬計通庫如洗
乞

勅戶工二部借發一二萬金用以先時整理一切事

務以奠封疆等因奉有通城守禦錢糧委宜設法着戶工二部商酌權宜速行接濟之

旨欽此除前項事隸工部移咨該部議覆外仍於二月十四日附入接濟三屯孤軍疏內并覆訖今據工部咨會前因相應議覆案呈到部該臣等看得兵馬芻糧臣部之事守禦錢糧則工部事也衣冠各有攸司責成奚容推諉臣部業遵借發之

旨准閣部孫承宗之請將寄貯遼餉并天津買米銀

內留通二萬九千八百餘兩前據該州與通糧
廳冊報除支用過塩菜等銀二萬三千七百五
十餘兩又用過城守火藥器械犒賞等銀二千
八百一十九兩零尚存三千二百四十餘兩繼
此又二次發銀一萬兩以期接濟續據巡關御
史張學周揭帖前解發薊餉留寄通庫銀一萬
兩內除解赴薊州三千五百兩給散通州各軍
塩菜銀四千五百兩外工部郎中董中行支用
置造戰車火砲銀二千兩夫城守戰車火藥器

具等費原應出自工部乃一槩取給於臣部餉
內當兩庫告乏九塞呼庚旣不勝捉襟露肘又
奚堪舍已耘人方欲取償而不得何復却擔之
無休豈臣部真有點鐵指石之術乎獨不思修
城濬濠建臺興作等項臣部事耶工部事耶乃
不曰已任反曰代人則臣等之所不解也况臣
部缺餉已非一日各邊鎮之缺至數月者無論
卽今關寧薊密等鎮索餉者動以數十萬計而
閣部孫承宗之請關內外餉且以百餘萬計矣

疾呼疊至束手無從亦將責望於工部恐工部必不任受也合無請乞

勅令凡係兵馬芻餉鹽菜行糧等項臣部自應處辦一切修濬建造等費工部自爲料理務各殫力支持不得藉口推諉至於通州守禦用過火器戰車等項銀兩仍應照數補還臣部以便銷筭庶各有責成而事無不舉矣旣經具題前來相應覆

請恭候

命下臣部移文工部一體遵奉施行

崇禎三年二月二十六日具

題本月二十七日奉

聖旨通州脩築城臺着戶工二部共發事例銀一萬兩濟用餘着該地方官設處竣工不得再有爭執推諉悞事該衙門知道欽此

題請派分工部餉銀疏

題爲軍器需用甚急分餉萬不容緩乞

勅分撥近省以速接濟以資捷伐事專理新餉山東
清吏司案呈本年二月二十四日奉本部送准
工部咨該工部題前事奉

聖旨這分餉銀兩派撥已定着嚴催完解不必紛更
該部知道欽此欽遵備咨到部送司案呈到部該
臣等查得臣部分新餉二十萬於工部自萬曆
四十八年始逮至天啓二年原定加派因需餉

多事而議割因

畿輔召買而告竭以致遼餉缺額數多該前任本部尚書汪應蛟題

准歸併臣部而二十萬之額已盡爲臣部之用矣至天啓四年工部復索分餉奉

旨部科會議令臣部認分十四萬然止於山海還官銀內那付十萬兩未能足數給發六年七年工部索分餉于臣部者仍以十四萬計統爲成例而臣部不能應也崇禎元年兩部交章爭執蒙

勅下部科會議令臣部每年分與工部九萬坐派山西河南陝西各二萬江西三萬徑解工部以足九萬之數至去年工部又復更端欲取盈原額矣臣恭從

召對竊見

皇上銳志恢復留意器械臣遂不敢過爲爭執勉強支吾然臣已題定一年卽止此後一切軍需并勅工部自行料理無容過爲責望等因奉有令歲江西減派二萬明年軍需完足另行酌議之

青欽遵在案爲照臣部前此額餉不敷猶可曲爲補
苴今虜患突起徵調四發臣部窘迫之極未有
甚於此時者卽原議九萬正擬請歸充餉而不
謂工部且以二十萬請也其爲軍需計則善矣
但查臣部今年餉額之缺約數百萬露肘之襟
短袖之舞旦夕坐困尚能舍己耘人乎念茲逆
奴磐踞恨不克合力共殲以紓

皇上東顧之憂詎在相成亦不敢固執胸臆以滋兩
部爭兢之端臣願平心而酌之取之於二十萬

臣部萬萬不能也平分以九萬亦工臣所不肯也今照六七年例再認一年照舊坐派山西河南陝西各二萬江西五萬湖廣三萬兩徑解工部以足十四萬之數然而臣力已竭臣心滋苦工部亦當念臣部匱乏之狀大家體量毋過爲無厭之求徒滋交章之瀆可也恭候

命下臣部移文工部遵奉施行

崇禎三年二月三十日具

題三月初一日奉



聖旨這派分工部餉銀依議行欽此欽遵

覆錢法堂任內鼓鑄本息疏

題爲遵例恭報年終鼓鑄本息以備銷羨事專理
新餉山東清吏司案呈崇禎二年十二月十七
日奉本部送戶科抄出督理錢法本部右侍郎
曹珍題前事十二月十五日奉

聖旨這鼓鑄本息給發等項各與銷羨陽山鉛穴議
妥採買米世發等准紀錄該部知道欽此欽遵抄
出到部送司案呈到部該臣等看得生財裕

國莫利於鼓鑄然其中錢銅之收發子母之循環

萬緒千端最稱煩劇非得才幹廉明者以綜覈之未易易也今該錢法督臣曹珍年終

奏繳臣按原疏而覆勘之自崇禎二年四月初三日任事起至十二月初一日交代止凡九閱月共收過銅鉛并舊管銅鉛共值銀一十八萬六千一百六十六兩六錢七釐鑄成

制錢除給匠作工料外值銀二十萬八百五十八兩四錢九分內除發過各鎮月餉并給京營官軍俸糧布花及城軍援兵塩菜行糧等錢共值銀

一十八萬六千一百六十六兩六錢七釐抵充
銅本外獲息一萬四千六百九十一兩八錢八
分三釐又用息銀零買雜銅鑄錢除抵還原本
外生息五千二百七十兩五錢五分八厘通共
息銀一萬九千九百六十二兩四錢四分一釐
內夏秋冬三季共進過

制錢七百五十一萬五千文值銀一萬一千五百六
十一兩五錢三分八釐又給祭爐商潘堯年等
收買銅鉛錢值銀八千一百八十七兩三錢五

分五釐尚存息錢值銀二百一十三兩五錢四分七釐撥入局本項下此任內九個月鼓鑄本
息出入之正數也其苗郎中貯庫銅共該補還
餉本五萬七千四百六十兩七錢五分七釐除
七月以前還過三萬四千二百三兩六錢六分
八厘發餉具題外尚欠二萬三千二百五十七
兩八分九釐續經補發充餉訖至于題留局息
五萬六千一百五十三兩六錢九分自八月以
至十一月終又生息二千四百六十八兩二錢

八分六釐給作京軍料草訖此又八月後留局
息本內生息之數也至於補輕樽節錢除七月
以前業經報入清查本息疏內不筭外自八月
以後又得補輕錢一十萬九千九百零九文潤
渣鑄出等錢一十萬六千零三十六文共值銀
三百三十二兩二錢三分零此又在息數之外
者也以上自崇禎二年四月初三日起至十二
月初一日止通共獲息二萬二千七百六十三
兩五錢五分九厘除作正開銷外實存局庫息

銀三百三十二兩八錢三分見在奏發充餉者
也查陽城鉛穴甘石叢生可以鎔銅可以鍊鉛
去年該督臣允給關稅二萬兩批委爐頭周弘
道等前往採辦業經試有成效且本山距京不
遠運納可期嗣此價省而息自饒矣督臣以本
少不能周轉疏

請欲留關稅之半以充採辦之資又准錢法侍郎康
新民咨請添設鑄本以復原額蓋沃其本所以
廣其利督臣之留心錢法無非爲

國生財臣亦奚吝而不爲乎第目前錢糧正苦匱
乏供應不支增本之說似容徐議可也臨清等
八關稅銀共一十五萬原解南部銅差辦買銅
鉛解局鼓鑄去年因銅鉛不繼停爐以待議將
崇文門課銀一萬兩解局以爲零買古錢襍銅
之用其臨清河西淮安楊州四關額稅五萬二
千五百兩暫允爐頭赴領採買接濟鼓鑄俟銅
鉛充足仍歸南部等因題奉

欽依在案爲今日生息便宜計合無仍將臨清等四

關稅銀五萬二千五百兩再准允留一年達
殷實爐頭就近採買務期一年兩轉立爲成規
依限完納其崇文門課銀一萬兩去年解局以
爲零買古錢襍銅之用今歲仍當倣照此例又
查去年爐頭周弘道等允領臨清等四關稅銀
五萬二千五百兩往陽城開採盧甘石者迄今
一載尚未報完雖事屬創始遽難一槩責成然
而遲滯經年不無情弊該局亟應查照原限速
爲追比通完倘仍前稽緩定行叅送以杜效尤

之漸也至于潞野北新九江三關稅銀八萬七千五百兩各關照例解交銅差邊委殷實銅商催督上緊採買按期解納毋使奸商侵欠庶於鑄務有裨及查陽山鉛穴夙稱利藪所產窩鉛堪充鼓鑄崇禎元年該前督臣孫居相於邊計告急疏內曾有開採廣東陽山鉛穴之議去年又該督師總督撫按諸臣會題行引足餉償貸鼓鑄并報開採一疏奉有鉛礦事宜該部卽與覆行之

旨業該臣部覆奉

欽依通行該省撫按酌議舉行去訖今復奉

旨陽山鉛穴議妥開採臣簡閱成案叅酌輿情咸謂
採此鉛穴佐鑄生財上下兩利似屬妥便可行
合無聽令兩廣督臣約束商民設法採買以供
鼓鑄因生成之利導不涸之源裕

國濟時良非小補統候

聖明之宸斷而非臣部所敢擅專也其佐理司官例
應叙錄如協佐錢法員外郎米世騄以經

國之心運生財之道秋毫悉歸實用可謂有才有
守原任專理新餉山東清吏司郎中今陞河北
道范鏞心同止水才若轉環當軍興旁午而四
應周流勞績懋著允宜優擢專理邊餉山西清
吏司郎中王肇生材識深沉品格卓邁當匱誦
之時而權宜措辦邊圉攸賴勞績居多督理銅
務南京戶部江西清吏司郎中畢生輝清貞自
砥經濟獨優剔釐勞怨不辭轉輸緩急有賴茲
四臣者均於局務有裨相應紀錄優叙以示激

勸者也既經具題前來相應覆

議奉

命下臣部移咨吏部并錢法堂及各關寶泉局一體
遵奉施行

崇禎三年三月初九日具

題本月十三日奉

諭旨

覆寶泉局銅鉛銀兩留作鑄本疏

題爲清查本息出入之數并權子母相生之法以裨實用以裕

國計事專理新餉山東清吏司案呈崇禎二年八月初七日奉本部送戶科抄出督理錢法本部右侍郎曹珍題前事本年八月初三日奉

聖旨該部卽與勘覆其見在并給買銅鉛銀兩留作鑄本依議行欽此欽遵又先該巡視中城等御史李長春等題爲極言錢法之壞與奸胥奸商交

通之情仰懇

聖明講求畫一之政以裕

國而因以便民事奉

聖旨制錢裕國正湏便民前有旨六十五文行使今
復壅阻違旨病民致壞錢法巡視與有責任這奸
胥奸商串通傳訛收售射利等弊爾每旣知源委
便指實叅拏重處私鑄私販京城內外設法訪拏
至於局內人匠夾帶低銅官爐借鑄耗蠹更多着
督理嚴查爾每巡視及巡緝衙門體訪得實管局

司官以通同究治該部還先行嚴訪其餘疏通事
宜一併從長議奏該衙門知道欽此欽遵抄出到
部送司案呈到部該臣等看得周官理財有九
而泉府之制居其一利民裕

國誠重之矣然而耗蠹之弊有陰陽之分私鑄多
而官鑄少其弊爲陽耗是明蝕我利孔者也其
法在於疏通滋息多而侵漁更多其弊爲陰蠹
是暗蝕我利孔者也其法在於查核今督臣簡
從前之舊案清今日之頭緒徹底打筭權衡於

出入之間較量於子母之數已明若列眉矣但
八年内鼓鑄本息將鉅萬計兩款項旁雜事關
錢糧豈敢不再加詳慎覆行該局協佐錢法員
外卽米世發將歷年本息細造清冊到部按其
總數互加叅勘自天啟元年開局起至崇禎元
年十二月終止計七年内收過銅鉛共值本銀
一百一十四萬四千四百二十兩九錢八分節
年解過太倉給還鎮餉進過

銅錢等項共值銀一百四十七萬七千六百二十六

兩七錢四分五毫其節年存庫銅鉛銀錢共值銀一十萬一千二百八十三兩九錢一分一厘八毫除抵還歷年餉本外共計獲息四十三萬四千四百八十九兩六錢此七年內本息出入之數也及查歷年以來雖有四十三萬之息而傳留銅鉛之內尚有歷來未還各鎮五萬七千四百六十餘兩原係餉本督臣以爲本不還盡不可以美利故當照數抵還此局息而未始非局本也崇禎二年正月起至七月終止新收舊

管銅鉛共值銀二十萬二千八百二十五兩五錢零共生息一萬五千六百二十五兩九錢三分八釐共銀二十一萬八千四百五十一兩四錢零除給發各鎮餉并進春夏二季

上用制錢并造法馬等項值銀一十三萬九千零四十兩六錢二分六釐四毫而相傳存局作鑄本者尚有實息銀五萬六千一百五十三兩六錢九分外從來所欠餉本五萬七千四百六十兩零除已還者三萬四千二百三兩六錢零尚扣

留在局抵還者應有二萬三千二百五十七兩
零合前數共該有七萬九千四百一十兩柒錢
零此又存留抵還并作鑄本之數也八年抵帳
總撒井然且省試更勤於工作防閑倍密於爐
丁督臣之綜覈司官之佐理可謂極其詳明而
從來濶濶之弊於此盡清矣第今日之鼓鑄不
患銅本之不充而患銅鉛之不繼不患外解之
巧侵而患考成之不飭何也大都買銅各商急
公念輕侵漁念重不專監督之責難釐積習之

奸案查天啓七年臣部原題監督銅務一差要
之三年以專其任課之完欠以考其成近銅務
雖已歸併於南部而成法不宜紛更於疇昔嗣
後應照原題事例各管關主事將原派銅本分
作四季解送銅務監督每季務足四分之一解
不如額者不准考覈銅務監督每年將應解銅
鉛亦分作四季運納寶泉局每季務足四分之
一運不如額者不准考覈寶泉局除鑄息另集
外亦將本銀分作四季歸還新舊兩庫充補

季亦務足四分之一還不如額者不准考覈夫如是則督責既專銅鉛易集源不滯而流自弘生生不息利莫大焉其於疏通事宜鑄務長策或少補濟於萬一也既經具題前來相應覆

請恭候

命下臣部移文各衙門遵奉施行

崇禎三年三月初九日具

題本月十三日奉

聖旨是欽此

覆饒道長屯鹽開山鑄錢疏

題爲借一日之震惕開萬禪之靈長當及時圖維
以資撻伐事專理新餉山東清吏司案呈本年
二月二十一日奉本部送戶科抄出江西道監
察御史饒京題前事等因本年二月十九日奉
聖旨奏內用人增兵理財均目前急務該部各與議
覆欽此又該江西道監察御史饒京題爲括言虜
情併祈

聖諭安天下而固人心事奉

聖旨這本說制虜機宜全在有備及諭安人心知道了開山鑄錢是否便計該部詳議具覆欽此欽遵抄出到部送司查用人增兵該吏兵二部議覆外其理財及開山鑄錢事宜相應摘覆案呈到部該臣等看得自古譚理財者無過屯鹽鼓鑄此正臺臣所謂從大頭腦上講求始可以爲經久之計者及查屯田一項先經臣部議舊屯新屯兵屯商屯之法頗極詳盡繼而科臣汪始亨又議屯田應照民田起科之法亦已通行省直

遵行造冊諒必得索以報矣其鹽法一項臣部
去歲採集廷臣之議欲令加引加鹽廣求生殖
近止兩浙增引三萬道增課八千兩在山東運
司鹽臣謂其地窄引壅原增之引難銷在長蘆
則願代銷山東新引以完原增之課亦已稍增
課額其餘俱未有以報也頃臣部於再議措餉
未盡事宜疏內業已催行查奏無容再議者矣
至于鼓鑄一節不獨南北開局已也先是亦曾
通行各省直廣鑄取其息以補新餉之不足無

柰旋開旋罷苦於無息今日所現開者只有湖廣陝西四川雲南宣密二鎮而已第按四省所鑄其息亦不盡歸於

朝廷而復苦於無鑄本按厥所繇總買銅而非採銅也有地方之責者每懼生事擾民而以開採爲戒曾不思荆楚秦晉各商所負販而來者果天雨地湧乎以天地自然之利爲奸民所專而

國家倍費以易之亦何賴焉善哉臺臣之言曰買銅不如採銅運銅不如運錢真得救時之急者

劑虛之妙用矣臣考

會典洪武之初永樂九年嘉靖六年俱差官於各省
直鑄錢解京蓋因利於天地轉輓於九府取
不竭而用不窮有裨軍需良非淺鮮夫開採非
難而鯁鯁過憂者恐撫按不加意監司不得人
耳假令該省撫按查照產銅地方選委風力司
道一員提一旅以彈壓其間比照開礦規則或
三七或四六與小民共之則銅山之利

朝廷始能收爲已有小民所採之銅照時值以市易

入官將私販可絕而買銅之工本可省矣或以
所鑄之錢務照京式輕重畫一卽可作本省襍
支等費而該省存留之銀便可解京以充所得
之息一省卽數十萬可立致也如鑄錢果多不
妨解京充餉所費不過水脚已耳夫銅與鉛皆
錢局所必須今山西之陽城廣東之陽山俱已
許其採鉛點銅以資鼓鑄何獨至於採銅而疑
之但恐別有金銀之鑛則仍當查明閉塞不得
輕開以釀弊端或原無銅鑛地方亦宜聽其自

然不得逼勒以滋多事耳語曰非常之原黎民駭焉言創始之難也是在撫按司道設誠而力行之務期有成效可耳至如湖廣年來未嘗不鑄而其息卒未解分文到部總以無所考成以後允鼓鑄地方以取息之多寡爲司道之殿最其監司官假以便宜無掣其肘則每年可得數十萬金錢亦何憚而不爲乎臣愚極知開採一事人所諱言惟是鑄山煮海古有成法今臺臣旣已嘔心而畫臣部何難借箸爲籌當此三空

四盡之時此亦度支之權宜而非所得已者也
既經具題前來相應覆

請恭候

命下臣部移文各該督撫并錢法司道及都察院轉
行巡按御史遵奉施行三月初十日具

題本月十五日奉

聖旨採銅廣鑄用佐軍興爾部既已商確依議行還
着各撫按嚴飭經管官立法慎防務使利出於地
害不及民亦不許影借它取銀礦致生他端屯鎔

一、初、本、金、明、使、臣、具、奏、欽、此

議復天津正振兩營兵馬疏

題爲議復正振兩營兵馬以壯重鎮以保萬全事
專理新餉山東清吏司案呈崇禎三年三月初
四日奉本部送戶科抄出天津督餉部院翟鳳
翀題前事三月初一日奉

聖旨該部酌議具覆欽此欽遵該戶科叅看得天津
爲漕糧咽喉之地亦爲奴虜窺伺之地非得重
兵以防禦之難以保百萬之糧米而通

京師之命脉舊設正振兩營原有深意後以清汰

撤去實未深長思也今虜踞內地眈眈虎視卽
舊營而在尚當增益今之當復不待再計而決
者也其或以河間新兵充之或再招土著以充
之與夫分防寶坻專設總兵皆撫臣計畫之最
當者因兵計餉戶部當急爲之所矣抄出速覆
之又該直隸巡按御史張學周題同前事奉

聖旨津門列營厚防已有屢旨這奏內事宜該部卽
與議覆欽此又該通州總兵楊國棟奏爲募兵易
客爲主事等因奉

聖旨這募練土著撤回標兵并月餉軍需該部卽與
議覆欽此欽遵咨會到部通送到司爲照津通皆
根本重地關係匪輕除復營設鎮募兵等項事
宜樞臣念切封疆自能相機籌畫無容再議外
所有月餉相應議覆案呈到部該臣等看得狡
奴內踞處處設防津門實南北之咽喉而通州
又東西之門戶也重兵捍禦乃今日之急着惟
當此匱乏之時增兵非難而因兵增餉尤難若
天津原設立五營兵馬防護水陸誠重之也向

裁去正振二營取其餉以補關寧之缺額今慮
耽耽虎視矣復二營之舊以揚我武似無容再
計者因口授食則每月額支餉銀六千四百八
十九兩二錢七分應還其固有而從前經制不
可爲憑其支給糧餉須以立營到伍之日爲始
此在津部酌定而臣部按數給發者也聞選河
間之新募者以充之誠屬深計寧求盡人精壯
毋徒充數誇多選一人卽得一人之用給一餉
卽得一餉之實至於衣裝器械自有司存臣部

不得越俎而問矣如防通標兵當其選揀而行亦援京營之銳不謂出戍日久思歸轉切鎮臣洞見底裏另覓土著以訓練復扣京軍日費行糧蔬菜銀兩作新募月糧良爲妥便第京軍之應援特暫耳茲募兵則遂爲久計矣所需糧餉似不得不從長酌議以定畫一之規查得該鎮官兵廩糧月餉先該臣部屢次酌議創行該鎮中軍都司一員每月支廩銀十五兩旗鼓守備一員每月支廩銀十兩千總月支四兩五錢把

總月支三兩其招募新兵照津門之例每兵一
各月支銀一兩四錢如或願領本色卽給米四
斗五升作銀三錢五分外給折色銀一兩五分
共作一兩四錢之數如願單領折色則徑給銀
一兩四錢俱聽各兵情願無不可者蓋不分三
等而槩以中等爲率則兵之月餉亦不爲不厚
然增兵必須增馬亦照津例每馬一匹月支草
料乾銀八錢七分或俟冬春之間量扣馬乾買
本色草料與之所當并爲議及者也今總兵楊

國棟疏稱已募土著千名似應查照前例支給
月糧用示齊一第先後日期不同名數亦異仍
令將招過兵丁數目逐一造冊呈報到部以便
查給可耳夫新餉加派年來原不足經費之額
惟那東湊西挹此注彼僅可補救於目前津門
正擬二營之餉是減於額內而通州新兵之餉
又增之額外者也額內者既已盡復其舊額外
者將何以應其求見募之千名猶可免力支撐
倘若增至數千則月餉不貲當瓶罌交罄之時

而欲供日增月益之需臣計轉窮臣心滋戚誠
不知所終矣既經具題前來相應覆

請恭候

命下臣部移文各該衙門遵奉施行

崇禎三年三月十一日具

題本月十四日奉

聖旨是欽此

覆科臣裴君賜條議催徵禁革䟽

題爲催餉之使四出恤民之政宜先懇乞

聖明揆情審勢滌弊釐奸以普

浩蕩之恩以成急公之誼事專理新餉山東清吏司

案呈崇禎三年三月初五日奉本部送戶科抄

出戶科給事中裴君賜題前事等因本年三月

初三日奉

聖旨軍興正急額賦自難緩徵若地方官催收有方
民自樂輸裴君賜這䟽深於民隱有裨着通飭行

餘款併着該部議覆欽此欽遵抄出到部送司案
呈到部該臣等看得

國家當東西交訌之時司計者必急催科之令閭
閻值膏髓盡竭之候憫時者恒懷撫字之仁邇
者虜騎生郊征調業遍宇內浩費無經轉運徑
如流水誠岌岌乎不可支矣蒙

聖明睠念匱詘特遣京卿立限分催原非得已但恐
有司不能善體

皇上之心或至追比太過民不堪命則所憂更大此

科臣裴君賜之所以鯁鯁厚慮而以不病民不
悞

國之法請也其一謂新舊之宜酌限期之宜定查
得用一緩二自古記之惟是軍興孔棘率土同
讐不得已而新徵舊欠並責於一時者勢也然
計重於緩急之間權衡於新舊之數安得無法
而處此查宇內郡縣其沃土膏壤多爲有力者
所據而哭哭小民不過分其澆瘠者耳每遇開
徵豪宦強宗恃勢而敢於抗違積書奸胥相倚

而巧爲欺隱惟將此無可告語之小民千敲萬
朴完今年又完明年而此輩之積欠莫可誰何
甚至司道之那借州縣之侵漁竟至如河南南
陽不可問而槩曰欠在民也果真欠在民乎我
皇上洞見萬里曰有司催科有方民自樂輸在外有
司而果能不侮鰥寡不畏強禦真得催科之方
矣况

欽使四出催解萬不容緩務在多方鼓舞地方完納
先衙役而次鄉紳照數先完卽行起解如敢有

抗違隱匿者立破情面嚴加追比以足舊欠新徵之數至欠在小民者按其地方收穫之蚤晚蚤者限至麥後遲者限至秋初以便續解倘有逋欠卽加以夏楚彼又何詞一轉移間而

公家之急可需小民之苦可救矣一追比無假於佐貳硃票無輕授之於衙役查得佐貳前途有限惟利是嗜一經追比反開納賄之門無益貢賦之實至於衙役下鄉勢如狼虎鷄犬爲之不寧賣兒貼婦之錢盡供衙蠹之腹又奚暇以供正

賦哉合如科臣議一切錢糧責令正官依限覈
比嚴令致期毋假手於佐貳毋縱毒於爪牙則
民不擾而賦自完矣一

欽錠之旨宜申耗搭之弊宜革查得耗搭之弊起於
各州縣起解司府銀兩大錠不足五十兩因有
添搭而習俗相沿不變有不足而添搭者亦有
足而尚有添搭者至解京日司府將正銀并餘
銀再與解官秤兌准足多有以原封原銀盡付
解官者而無如不肖者之別有肺腸何也解官

在途延捱不前或改傾錠以盜銀水而添搭盡
入幾中其進庫者僅此大錠已耳勢必短少反
藉口於內外法局之不一臣部前年較定兩庫
法局從領式各省如河南山東等處已皆領去
俾內外較然盡一復立兌支之法令下役不得
高下其手正慮銀錠或有參差不齊故設法爲
清楚計耳科臣客歲具疏銀錠務准足五十兩
上造

聖旨字樣不許添搭碎銀臣部具覆業經申飭矣而

在外者竟表如充耳也其到庫者仍多輕重不
等臣部復令該庫積令解官與各鎮委官交兌
類相持不相下合無再將前法申飭一番務要
秤兌勒字以防解官在途作奸入庫銀錠如無
聖旨字樣并短少者管庫司官先行呈堂查其短少
分兩叅處治罪如銀錠不差而管庫司官有過
求者除究需索之人仍將司官定擬劣考一以
蘇小民之困苦一以充

公家之正額獎實清而葛藤斷是永利之道也以

上三款皆催科之善術而有裨於民隱所當申
飭舉行者也至於漕務一節查得漕糧每石正
米之外有一六二六三六之加載在議準其來
已久非自今始增也邇來州縣有司恣意延緩
有船已到而米未上倉者有完正米而未有餘
米者運弁水次坐候聽其延捱甚至無米折銀
入囊無怪乎漕運愆期而掛欠之多竟不可究
詰也去年爲漕事大壞該巡倉御史宋師襄欲
復監兌之舊奉有

明旨諭令臣部差委司官臣部深慮當事體久廢之
後司官人微權輕不能返極重之勢司官亦多
却步但無可柰何耳夫司官能治運弁而不能
束百姓責成糧儲道臣軍民兼管似可永久無
弊且當日設立司官之意不過欲以地方米數
之完欠起運日期之遲速時時申報臣部得以
與聞耳前科臣解學龍論漕運疏中各省糧儲
道押運至津門方許回省其起運日期數目亦
當報部則監兌司官可以不設但今正當交兌

之時不便卽撤姑俟今歲差滿更代之時然後
續議裁否可耳至於光祿米支放自有定額寺
臣銳意剔釐欲存加耗以脩積儲痛革私賚之
陋規可免漏卮之虞弊或存新而散舊或新舊
之兼支科臣所議誠爲不刊之典是在光祿諸
臣設誠而致行之無容臣再贅一辭夫旣經具
題前來相應覆

請恭候

命下臣部移文各該衙門遵奉施行

崇禎三年三月十二日具

題十六日奉

聖旨軍興煩費這禁革三款有禪催徵者申飭行司
官暨兌方在責成何得議裁光祿浮米耗酌支
該寺酌議具奏欽此

覆陝西總督緩徵三府新餉疏

題爲遵

旨回鎮再陳三邊危苦之情仰祈

聖鑒事專理新餉山東清吏司案呈崇禎三年三月初五日奉本部送戶科抄出陝西總督楊鶴題前事等因本年三月初三日奉

聖旨該省民窮督臣請命朕豈不念但欠餉豈盡在民差催何礙撫字這所奏着該部酌議行欽此欽遵抄出到部送司案呈到部爲照秦中天府素

稱沃饒矧民俗淳龐勇於鬪戰茲值虜警告急
大司馬徵甲發函而入援健兒計一萬五千有
餘所需安家行糧督臣楊鶴同藩臣王順行苦
心搜括勉強那移稱厄千真萬真則秦中
近來之光景已入

聖明朝鑒中矣獨念臣部以池泉不繼之帑藏補苴
汪洋無底之江河督臣所云內莫難于戶部外
莫難于藩司同心之語其誰知之但延慶平三
府素稱疲瘠數年來疊罹兵荒原與西安等府

肥瘠有間三府所徵崇禎三年遼餉銀共六萬
七千餘兩原係額派經制之數茲當奴氛未靖
需餉倍煩正苦措處無從三府民隱雖當軫念
然業蒙賑濟之典似難又邀蠲免之仁合無姑
議緩徵少寬時日俟秋成之後陸續解完可耳
至于差官督催無返駕之理或將原定限期少
寬二月地方便於措辦其餘各府仍先行起解
三分以濟急需則撫字與催科並得而

國計其民生均賴矣既經具題前來相應覆

請恭候

命下臣部移文各該衙門遵奉施行

崇禎三年三月十三日具

題本月十六日奉

聖旨延慶平三府額餉姑着緩徵寬限餘府務要遵
旨完解不得稽遲該衙門知道欽此

覆呂僕少奏報山東初解錢糧疏

題爲依期督餉謹據冊彙報起解銀數以完

欽限以濟

國急事專理新舊兩餉司案呈崇禎三年三月初
二日奉本部送戶科抄出該太僕寺添註少卿

呂維寧題前事等因崇禎三年二月三十日奉

聖旨呂維寧奏報山東起解錢糧着各該部查收這
已解的是否果係呂維寧經催新數一併查奏不
得混竄據稱東江餉銀發過二十四萬有餘係何

月日如何該鎮尚勤呼請着再行確核以後催餉
各官奏報到日該部科卽將各省直起解存留開
銷款項分數細加磨勘以杜影借該部知道欽此
欽遵抄出到部又奉本部送據司務廳呈准戶
科手本同前事內稱照得守催山東錢糧少卿
呂維寧疏開起解各項錢糧是否本官經催東
江餉銀是何月日題發相應行查等因各送司
案呈到部除馬價聽兵部料價聽工部查覆外
該臣等查得山東省崇禎元二年之應徵以暨

崇禎三年之預徵五分通計新舊餉共銀一百三十三萬二千三百二十七兩零此問卿呂維寧承催之數也今據該省藩司冊報解部銀九十六萬九千九百四十七兩八錢此藩司冊報而問卿據以入

告之數也臣部細加查覈如舊餉之壓徵災疫減等黃蠟折價與新餉之坐買米銀支放登餉俱當聽其扣除內惟東江留餉二十四萬五千二百兩則不能無說而處此者臣查崇禎三年正月

內據東江理餉郎中朱獻呈請月餉臣念島軍
枵腹照會藩司將本年額餉酌發三分之一隨
後復准兵部來咨內開島兵奉

旨調援行令藩司發銀五萬兩令東江餉司會同登
萊道赴島給散嗣後並未有文發餉豈得盡云
解發此不過留此全解之數以作解部之開除
耳

明旨着臣部再行確覈真明見萬里矣夫島兵奉
旨調援則前銀不必扣留臣部已經行文藩司登

銀五萬外再留五萬兩其餘盡行解部總計藩
司應解臣部者共計一百一十一萬五千一百
餘兩矣先解三分共該解銀三十三萬四千餘
兩今已起解三十萬三千三百九十八兩五錢
零又買遼豆用過銀三萬七千八百二十七兩
八錢零共完過三十四萬一千二百二十六兩
零可謂克副先解三分之

旨矣其發過援兵安家銀一萬七千五百九十二兩
一錢零舊例應動兵部銀兩臣部不便徑准開

銷難作完數至查起解批文雖有出於殘冬春
正之際當其卒聞虜警有回轅而收貯于庫者
亦有起批而未解者臣部俱作欠數盡載問卿
催劄之內維時問卿呂維寧身承

簡命未出都門之時卽移文該省撫按飛檄一至藩
司催督起行而錢糧之接踵至部者不可謂非
問卿催督之力也且解到之銀俱係經催之內
則問卿不得不作已完之數矣其未完錢糧且
今問卿一面行催一面督解東省藩司素屬急

公勢必源源而至而軍餉之匱乏似亦可接濟
於萬一也既經該司查核明白案呈前來相應
覆

請恭候

命下臣部行文山東巡撫及催餉差官并咨都察院
轉行山東巡按御史及照會布政司遵奉施行
崇禎三年三月十五日具

題本月十八日奉

聖旨呂維寧催到銀數既經查明准完前限餘仍依

限督催欽此

覆崔餉部薦舉關鮮二運官員疏

題爲二年關運事竣謹遵例

奏報并叙在事効勞官員以彰激勸事專理新餉
山東清吏司案呈崇禎三年二月二十四日奉
本部送戶科抄出天津督餉部院崔爾進題前
事等因本年二月二十一日奉

聖旨戶部知道欽此同日又該津部崔爾進題爲崇
禎二年鮮運事竣謹遵例

奏報并叙在事効勞官員以彰激勸事奉

聖旨戶部知道欽此又該督餉御史沈猶龍題爲二年開運事竣等事奉

聖旨戶部知道欽此又該督餉御史沈猶龍題爲崇禎二年鮮運事竣等事奉

聖旨戶部知道欽此欽遵通抄到部通送到司案呈到部該臣等看得開鮮之兵馬全憑津運以資飽騰而所藉以僨催輸輓者又惟理餉司道諸臣及督運武職各官之協力急公是賴每年運事告竣例有題叙之典此督餉部院會同督餉

御史疏報運事而叙及在事効勞各官所自來也今查崇禎二年關寧糧料除折色豆一十五萬八千三百一十四石五斗折銀六萬六千四百九十二兩九分徑給關外餉司支給外實該本色米八十萬九千三百二十石豆五十一萬二千五百石五斗共該米豆一百三十二萬一千八百二十石五斗今疏報見運并預運共米豆一百一十六萬二千九百四十六石九斗四升內已獲實收者一百八萬八千二百六十五

石九斗六升七合守陳未獲實收者一萬八千
八百四十二石二斗掛欠者七千三百五十二
石三斗三合失風者二萬九千四百二石七斗
撈救者三百八石五斗失盜者一千九百三十
石又附關召買米三萬石豆八萬三千一百石
永平鎮召買陸運豆四萬石薊鎮召買陸運豆
二萬石又元年預運米豆一萬六千八百四十
五石二斗七升以上連前折色共運米豆一百
四十九萬四千三百六十一石四斗四升除額

數外多運米豆一萬四千二百二十六石四斗
四升而催運過元年守陳掛欠等項米豆不與
焉查二年鮮運額該糧米八萬石據報俱照數
運發已獲實收者七萬二千八百一十六石外
失風米六千七百九十八石掛欠米三百八十
六石而隨船帶運之布疋蓆彈不與焉夫茲海
運一役也從波濤險阨之中爲飛輓接濟之策
亦綦難矣而鮮運猶甚今以關運言之雖實到
者不免歉於額內而運發者已是逾於額外矣

以鮮運言之先該督餉部臣會同總督經畧餉
院諸臣題

准鮮運十抵七八便以首功論今已實到九分已上
矣倘非督餉部院握筭持籌調度得法及各司
道廳之竭蹶僨催各將領運官之協力急公曷
克臻此及查今歲鮮運強半派於登萊津門船
戶皆以照舊絲登轉運爲便則河東餉司似應
如津部之議駐劄登州以便就近督催者也其
開運之多運米豆一萬四千二百餘石內應除

抵本年掛欠七千三百五十餘石止餘六千八百七十四石一斗三升七合應作預運三年之數也至於未獲實收之應催漂風盜失板片水脚之應追損壞船隻之應修悉聽督餉部院照例議行外所有在事各官文職如專理新餉山東清吏司郎中薛邦瑞原任新餉司郎中今陞河北道范鑛天津餉司主事樊維城通州原管西倉郎中楊應震通州坐糧廳郎中丁流芳關外餉司今陞關內道王楫關內原管餉司郎中

閭頌行關內餉司刁化神德州原管倉主事徐
天鳳德州管倉主事焦觀祖臨清管倉主事鄭
廷揖河東餉司郎中朱獻以上本部司屬諸臣
濟世慈航匡時大器平出入而錙銖不爽籌轉
輸而飽騰攸賴洵勞績獨高而聲實並懋者也
督餉道僉事張志芳天津道右叅政石聲諸道
儲道右叅政周鼎關外道右叅議孫元化以上
兵過各道諸臣望隆鎖鑰功懋金湯瞬息而備
百萬之料糧咄嗟而俾三軍之含鼓斯戰斯稱

社稷之勞臣也天津兵糧同知王秉衡河間府同知
白麟督催漕船淮安府同知劉志斌天津管糧
通判今陞任蘇鳴瑜前屯管糧通判馮泰運寧
遠管糧通判李茂根錦右管糧通判朱正源管
糧署通判事劉應鶴以上管糧府佐諸臣潔守
通才條分縷析任事則夙夜不辭勞瘁績運則
舳艫立見飛馳亦庶幾實心任事者矣以上司
道府佐各官皆有功於運務均宜移咨吏部紀
錄優叙而津門餉司樊維城餉道張志芳職專

海運尤勞苦而功高似當亟爲優擢以酬勞勩者也武職如天津副總兵劉國柱標下中軍遊擊張其功海防營叅將張夢鯉標下叅將顧景元原任正兵營叅將宗餘廕標下旗鼓都司今宜加銜韓嗣增標下都司朱良將總理海運遊擊張允昌標下旗鼓守備只啓濬內丁營守備張令標下加銜守備今應實授楊才餉司中軍守備只啓第督餉道中軍加銜守備今應實授高一凱天津道中軍加銜守備今應實授賀盛

明洪字前號運官加銜都司令應實授高登備
玄字前號運官陳大統黃字後號運官許弘相
宙字前號運官金萬鑑洪字後號運官婁志達
柔字號運官李文盛順字號運官查志滄熙字
號運官陳宗錦利字號運官王廷傑永字號運
官邸進忠平字號運官黃孟璞總理鮮運叅將
王學易河東皮島左協營副將陳繼盛標下叅
將高翺標下遊擊平登雲王字號運官遊擊胡
遠大沽總催都司于從朴寧字號運官都司羅

元霖標下候缺旗鼓守備吳友仕恢字號運官
守備劉尚仁標下守備胡我定明字號運官守
備俞鼎守字號運官守備溱爾謨領司巡捕守
備張子壽天津道旗鼓守備今應實授國天
餉道巡捕守備董士元標下千總趙弘祖以上
武職各官報

國心丹急公志銳擊楫而風雲變色轉輸則瘼瘳
無呼等級雖殊勞苦則一均應移咨兵部分別
紀錄優叙以示激勸者也既經督領部臣查照

會題前來相應覆

請恭候

命下臣部移文吏兵二部并各該衙門遵奉施行

崇禎三年三月十七日具

題本月二十七日奉

聖旨這津運文武各官着與分別叙錄該部知道欽
此

覆科臣王猷卹畿民優將士疏

題爲體臣工惠畿民以布

聖德以昭神武事專理新餉山東清吏司案呈崇禎
三年三月初七日奉本部送戶科抄出兵科給
事中王猷題前事等因本年三月初五日奉

聖旨奏內畿民當恤將士當優說得是郊外兵何故
不得一飽并驛站召買等事着該部查議具奏諸
臣各營職業自無他過有何凶懼該部知道欽此
欽遵抄出到部送司除事隸吏兵二部者合聽

該部議覆外所有畿民當恤等項相應摘覆案
呈到部該臣等看得奴孽披猖蹂躪內地舉
百年愛養之赤子殺掠幾盡死亡傷心流離滿
目此鄭俠之圖所不能寫而買生之哭所不能
悉者也我

皇上於災殘地方議蠲議賑不啻已溺已饑之

鴻仁矣但風鶴驚魂之後化僞者無室家之歡擄掠
者有墳墓之悲是在州縣有司省徵歛寬文法
於撫安之中寓招徠之意則收拾人心之大機

括也至各省直徵甲應募果皆飲血之壯士乎
當其驅車不過厚與糧餉以示鼓舞入衛以來
聽胡笳而心悸望羶風而氣短乃有羨故里之
安逸嘆一飽之無時者此其間蓋有說焉各省
援兵途次行月募支是以每日有給五六分者
比至

都門舊例行糧鹽菜不過三分食米一升五合已
耳夫各兵而果甘心食淡也所得銀米亦足供
一日之用倘縱口腹之慾饜飫酒肉餅餌等項

舉箸幾何卽罄杖頭錢又烏能恣其貪饕而墮其果腹乎在軍士多一分卽壯一分之勇氣糧餉正不厭奢在臣部發一分卽減一分之正額供億定須有制若各將士果如科臣所言靡敢定居一月三捷無遺清人河上之譏卽傾太倉而資飽騰臣部亦所不惜也其如結局之無日餽餉之殷煩何哉乃若召買一事亦有須商議者詩曰惠此京師以恤四國則畿南之民臣部豈容膜外置之但關寧薊鎮俱恃召買以爲續

命之膏撻伐方張緩之須臾而不可得先是臣
部憫念畿民窮苦查照往年預計之數豆米每
石已加一錢如良鄉固安等處被虜錢破已經
免派其餘地方此後或酌量緩急裒益多寡又
或市價果騰相繼量增是在津部與督撫道臣
隨時隨地自有權宜妙用必不致膠柱而鼓瑟
者也石則蘇民困以重根本臣部當同科臣爲
民請命而商款爲無稅之徵以困此凋瘵之衆
哉旣經具題前來相應覆

請恭候

命下臣部移文各該衙門遵奉施行

崇禎三年三月十八日具

題本月二十一日奉

聖旨這覆奏安民恤軍等事知道了兵士行糧須關
支有法方需實惠召買米豆申飭有司務實價及
民還着該部科一弁用心稽核無徒以例發了事

覆議典舖輸助軍屯加派疏

題爲回

奏錢糧款目事專理新餉山東清吏司案呈崇禎
二年九月初六日奉本部送戶科抄出順天府
署府事府丞魏光緒奏前事等因本年九月初
三日奉

聖旨這回奏錢糧抵兌通融等項該部便行覆覈具
奏欽此欽遵又先該

中都留守司署正留守朱之屏奏爲遵

旨回奏并述官軍可憫之情根本當虞之狀以祈
聖鑒以固重地事等因八月初九日奉

聖旨該部知道欽此欽遵抄出到部送司除議抵兌
籽粒銀六千九百餘兩東廠地畝銀一千兩隨
經呈堂批送福建司行文該府及屯田御史查
議又

大工加派等項之應蠲免力止者事屬工部聽該部
議覆外所有典舖軍屯等項相應并覆案呈到
部該臣等看得典舖輪助及加派軍屯係雜項

新餉之兩項也案查典舖一款先該臣部題
准會議條例省直典舖酌分五等計資本萬金以上
者爲一等歲輸銀五十兩七八千金者爲二等
歲輸銀四十兩五六千金者爲三等歲輸銀三十
兩三四千金者爲四等歲輸銀二十兩一二
千金者爲五等歲輸銀十兩全收完解充餉等
因通行已久近據南北省直及近

畿輔外州邑靡不遵依額派各有輸助解部充餉
獨

京城內外質典之舖不啻千家而擁資極饒獲利
極厚反無派納匪特賦稅不均而於餉實有遺
助也府臣魏光緒議令一例均派又慮豪右阻
撓議委風力科道按冊坐派有強梁者題叅治
罪是導近商以必赴之的而示遠商以惟均之
政也相應舉行正在議覆間突逆虜入犯內外
震驚各典舖面雖設常關方欲曉諭其開而不
得奚可倡派納以閉小民質貸之門乎相時揆
勢合俟事平之日同流寓一款另行題

請舉行者也又查軍屯一項先該臣部題

准會議條例衛所屯田原與民田一體除山陝極邊
免議外題照征播例每糧一石加銀八分其兩
京衛所屯地本部咨行都察院轉行屯田御史
各照派徵解部等因通行在案若鳳陽爲

太祖高皇帝龍興豐鎬故於

皇陵一衛每石止加派四分示殊恩也若鳳陽中等
八衛一所均照八分之派昭畫一也今守弁朱
之屏以

皇陵一衛軍屯獨得減派欲援此以例其餘且念洪塘一所丁絕田蕪而代爲請

命在該弁或目擊疲衛之顛連賦稅之無出不得不據實以

告第目今虜踞內地苦額餉之不敷奚可開蠲免之端以啓各屯觀望則寬恤之政似應徐議可也既各具奏前來相應覆

請恭候

命下臣部移文各該衙門遵奉施行

崇禎三年三月十九日具

題本月二十三日奉

聖旨依議行欽此

覆津部南直兩年召買舉劾疏

題爲南直兩年召買事竣謹遵例

奏繳并分別舉劾在事官員以昭激勸事專理新
餉山東清吏司案呈崇禎三年二月二十一日
奉本部送戶科抄出天津督餉部院崔爾進題
前事等因又該督餉御史沈猶龍題同前事本
年二月十九日俱奉

聖旨戶部知道欽此欽遵又該天津督餉部院崔爾
進題爲崇禎二年津門召買事竣謹遵例

奏繳并叙在事効勞官員以昭激勵事等因又該
督餉御史沈猶龍題同前事俱奉

聖旨該部知道欽此欽遵抄到部通送到司案呈
到部該部等看得三韓之士卒全賴本色以資
飽騰而本色又必借召買以供接濟則召買一
事所關甚重夫是以年前則預計事竣則考成
急公者勸怠玩者懲皆所以申明

功令而激勵將來者也今據督餉部院崔爾進食
同督餉御史沈猶龍將南直兩年之召買津貼

二年之召買事竣具疏銷筭條分縷晰款項昭然臣謹通查原疏而覆覈之查天啓七年原派淮安府買米一萬石該府呈詳撫院批允連水脚等費動支過新餉銀一萬一千五百七十八兩九錢五分零已完解津米九千三百一十四石未完米六百八十六石該銀七百八十七兩三錢六分零應俟追完方准開銷楊州府派買米一萬石共動過新餉等銀一萬四百八十兩七錢七分零照數買完解津發運訖前銀應准

開銷徐州派買豆三萬石每石定價五錢五分
止該動支新餉銀一萬六千五百兩淮與開銷
其多支過銀一千五百二十一兩應搜括別項
抵補不宜在新餉內銷筭者也此七年分召買
米豆完欠之數也查崇禎元年原派廬州府買
米二萬石動支過新餉銀一萬九千七百五十
八兩二錢五分五釐照數買完解津發運訖前
銀應准開銷鳳陽府買米二萬石動支過新餉
銀二萬四百八十四兩二錢七分八釐零照數

買完尚多米二斗五升俱解津發運訖前銀應
准開銷淮安府買米三萬石動支過新餉銀三
萬五千五百七兩八錢三分零照數買完解津
發運訖前銀應准開銷楊州府買米二萬石動
支高郵等州縣解到本年新餉銀二萬三千九
百九十二兩一錢七分零照數買完解津發運
訖前銀應准開銷徐州買豆二萬石原定價銀
一萬一千兩照數買完解津發運訖前銀應准
開銷此元年召買米豆全完之數也夫南直距

津數千里則難不在召買而在輓運今廬鳳進
場徐四府一州兩年召買米豆共以十六萬計
爲數頗多而未完者止淮安府解官把總黃正
色侵欠七年分米六百八十六石餘皆如數解
發則南直撫臣與天津部院籌邊爲

國之深心可謂竭盡無餘而各該道府州縣之
力急公勞績亦有不吝畀者如淮海兵備道
政使胡爾慥淮徐兵備道右叅政楊廷槐揚州
兵鹽道副使王象晉潁州兵備道右叅議胡達

恩以上司道官四員肅憲貞度獎絕風清軍儲
絡繹於江海之間勞績大裨於軍

國之重所當紀錄優叙以脩大用者也淮安府知
府董允升揚州府知府徐伯徵原署高郵州揚
州府通判王經世原署桃源縣淮安府通判陶
安齡廬州府署印推官簡文瑞泰州知州李自
滋壽州知州郭宗振六安州知州熊之彥通州
知州董發帷徐州知州韓雲高郵州知州盧燦
無爲州知州李春華亳州知州趙應坦江都縣

知縣遲大成山陽縣知縣朱國棟興化縣知縣
王績燦舒城縣知縣王觀光泰興縣知縣孟名
世蒙城縣知縣王正志如臯縣知縣吳弘功合
肥縣知縣柯彥臨淮縣知縣魏國柱宿遷縣知
縣楊鳳吉天長縣知縣臧太初沐陽縣知縣程
棲孟碭山縣知縣李春鯨霍丘縣知縣阮維岳
盱眙縣知縣孫徵奎廬江縣知縣楊埤清河縣
知縣魏知微虹縣知縣曹繼芳以上府州縣正
佐官三十一員撫字殷勤催科勞瘁咄嗟而完

十六萬之儲糈拮据以資億萬衆之飽騰所當
一體薦揚以脩擢用行取者也其淮安府元年
分委官守備朱良臣調停有法頌聲蔚起相應
紀錄示勸七年分委官把總黃正色掛欠旣多
侵漁不少相應監追寃罪完日發落者也查崇
禎二年原派天津召買豆九萬九千四百石五
斗每石定價五錢五分共給銀五萬四千六百
七十兩零據疏共買過八萬七千六百五十二
石內未完豆五百三十五石見行兩廳追補外

尚該額豆一萬一千七百四十八石五斗出在
倉之陳因以濟急隨即發價買新以補之督臣
之權宜應變可謂愈出愈周且於原給額價之
內共節省銀六千四百兩有奇以抵上年漕糧
掛欠之數雖云臣部給價預期故得及時賤買
然非督臣綜覈詳明剔釐耗蠹及多方之勸勉
則茲六千餘金安能保其不歸委官之私囊乎
其効勞各官除關鮮二運疏內薦舉者不開外
如津部標下都司鄭憲武督餉道守脩張國英

督餉道淮津中軍守備李維城標下巡捕指揮
杜顯卿天津右衛指揮李効忠標下委官天津
衛右所千戶李景忠天津右衛千戶張雲龍天
津衛中所百戶梁廷棟海防營千總賈鴻案標
下旗牌官百戶應襲張凌雲督餉道加銜守備
崔君惠張光啓天津衛經歷黃道中天津右衛
經歷呂承祥以上文武等官十五員不辭胼手
胝足之勞共効水輓陸輸之役細絲無異關鮮
攸資所當紀錄優叙以示激勸者也既經督餉

部臣臺臣會題前來相應展

請恭候

命下臣部移文各該衙門遵奉施行

崇禎三年三月二十二日具

題本月二十五日奉

聖旨是欽此

覆兵部議募練土著疏

題爲援兵難聚難分募練宜近宜早謹陳增新之法以遏換班之虜事專理新餉山東清吏司案呈本年三月十七日奉本部送准兵部咨該兵部題前事等因本月十六日奉

聖旨薊兵募練土著屢見條陳這疏規畫更悉卽着飭行所需銀兩移會戶部如議分發刻期覆奏欽此欽遵咨會到部送司案呈到部該臣等看得狡奴更番反客爲主強弱之勢旣有所不敵分

合之機又有所不侔不爲徙薪之計難免厝火
之憂增兵大創未有急於此時者也善哉樞臣
之言曰調兵不如募兵遠募不如近募急選精
銳三萬以掃胡塵真滅虜第一方畧至安家一
頃欲分臣部加派之三十萬以與之臣部雖誼
切相成而力實有不能給者謹以加額之繇與
虧額之故爲我

皇上陳之查自有遼難以來宇內地畝加派二次每
畝共加七厘共計銀四百萬六十餘兩後因調

募紛紛安家器械無措兵工戶三部會議又加
二厘共計一百二十萬兩維時原議待事平日
仍歸戶部此當日加派五百二十萬有奇之額
也繼而北直八府之四十六萬以首善蠲免矣
潞庄長沙九萬蠲免矣至蜀餉之十二萬滇餉
之一萬六千楚餉之六十五萬粵西之二萬盡
割以餉黔并工部分餉等項較之原額已去一
百六十六萬而正額日虧矣况拖欠者尚多也
先是天啟二年該前任尚書汪應蛟題將分餉

歸併臣部屢奉

欽依在樞部亦知臣部之乏未有異詞此加額分合之始末也今乃據成案而索帳於臣部豈知割而爲餉與奉

旨蠲免者均在此數之內乎臣前於會議疏中知安家衣裝亦樞部所急需酌議裁節驛遞存剩銀兩可以抵充此項亦未嘗不曲爲設處矣及查入援城守各兵塩菜行糧事出創起未有額設而動支正項者已近七八十萬方慮向後無處

換補省直各處援兵其用過安家衣裝器械多
於新舊二餉取足尚未盡行開銷樞部特未之
知耳目今議募三萬按口授食歲得餉五十萬
而本色料草不與焉今蠲免者不復派楚餉止
割其半尚聽督撫酌議而未有的擬矣卽措正
額之餉方懼無米難炊若欲再分正額以作衣
裝馬匹之用臣部卽粉骨碎身其何能辦此也
惟是事關封疆何敢強分畛域昨准兵部咨文
移會臣部卽發銀三萬兩聽充薊遼總督募兵

之用至如驛遞減省此在樞部自爲督催自可
供億其有不足亦俟臣部外解充裕再行量爲
湊解必不肯以膜外視之若欲取盈於三十萬
之數不但臣部舍已耘人力不從心抑且顧此
失彼大誤

國計樞臣同病相憐臣誠不能無厚望也旣經咨
會前來相應覆

請恭候

命下臣部移文兵部知會施行

崇禎三年三月二十二日具

題本月二十四日奉

聖旨遵屯原有額兵額餉募補只須衣裝這發去銀
三萬兩着先行招選土著支用不敷續與措給驛
遞節省的兵部催解事關封疆中外各宜協心刻
期幹辦勿致延緩該衙門知道欽此

覆南戶部題旗助餉諸臣疏

題爲虜警異常軍需最亟謹將助餉諸臣列名具奏以見尋仇敵愾之義并

請優叙捐貲義生以勸將來事專理新餉山東清吏司案呈崇禎三年三月初九日奉本部送戶科抄出南京戶部尚書鄭三俊奏前事等因本月初七日奉

聖旨這南都諸臣捐貲助餉具見急公銀俱着照數解進以資軍賞監生汪機好義樂輸着查例優叙

該部知道欽此欽遵抄出到部送司遵行間准禮部儀制清吏司手本爲

聖化無遠不祇義民有忠樂輸謹擬實

上聞仰祈

聖鑒事內稱奉本部送禮科抄出巡按江西監察御史范復粹題前事等因奉

聖旨據奏劉良賓捐貲輸公尚義可嘉着查例從優褒勸該部知道欽此欽遵查往例捐助餉銀等項俱係貴部題覆今劉良賓科抄已到本司日

註銷甚爲不便相應移會前去戶部新餉司煩
將劉良賓查例題叙等因到司相應一併具覆
案呈到部該臣等看得虜騎披猖王師撻伐止
戈無日措餉彌艱所賴遐邇之輸將少佐軍興
於萬一顧身列

朝班廁名仕籍者原有臣子之誼應効纓冠之救彼
草莽之士市井之夫名未掛於冠紳事不關於
勸募慨然輸助多金以爲天下倡此其懷忠抱
義爲何如者屢奉

皇言一則曰查例優叙一則曰查例從優褒勸

明綸一布將使四海之內率土之賓靡不響應景從
所謂上好仁而下未有不好義者也案查萬曆
四十七年十月內臣部題

准凡義民輸貲五十兩以上者官爲劄給冠帶給匾
一百兩以上者題給冠帶給匾二百兩以上者
題給冠帶匾外許自監坊以上各免本身襍差
有司以禮相待四百兩以上者題給八品散官
名色給匾禮待許自監坊量免一丁八百兩以

上者題給六品散官名色給匾禮待外官爲監坊量免二丁刊書頒布中外通行在案天啓元年九月又題定捐助規格京外文武官紳舉貢人等助餉四百兩以上粟米八百石以上者士民五百兩以上者各題建坊請

勅賚黃頒給其銀不及例者行撫按分別官民各以其類建坊給匾又查天啓三年該四川巡撫朱爕元題爲監儒仗義助餉援例乞授職銜以彰勸典事內稱監生李鰲捐助二千五百兩比照

援遼事例請題中書聯銜等因奉

熹宗皇帝聖旨該部知道欽此欽遵覆奉

欽依在案前後事例雖殊無非鼓舞急公之典也今
徽州監生汪機輸助三千兩在本生未必有沾
名千譽之思然其捐貲慕義之念誠有可風此
南部臣所以有題授應得職銜之請也合照監
生李鰲例擬以中書職銜義民劉良賓輸助一
千兩合照義民輸納八百兩以上例給以六品
散官名色給匾禮待外但財用方匱仍以目爲

豎坊如是則優叙與褒勸益渥而慷慨仗義之
倫輸將恐後在

朝廷施不費之恩在軍餉被無疆之利矣既經具題
并移會前來相應覆

請恭候

命下臣部移文吏部將監生汪機照例授職肄業義
民劉良賓照例查給六品散官劄付并咨南戶
部及通行各省直申飭遵奉施行

崇禎三年三月二十九日具

庚支奏議

新刊

五十三

題四月初三日奉

聖旨是欽此

覆總理馬世龍月餉未給疏

題爲仰承

天語瀝血再陳懇辭重銜以安愚分建微勞以酬

聖恩事專理新餉山東清吏司案呈崇禎三年三月
二十二日奉本部送准兵部咨據總理總兵官
馬世龍題前事等因本月二十日奉

聖旨馬世龍受任已久便當實心圖功何乃臨敵辭
銜還着鼓勵自効不准辭奏內進取有緒紛更無
實是何所指卽明白說來月餉何故數月未給着

戶部速查具奏欽此欽遵移咨到部送司案呈到部該臣等看得奴患方張捷徑伊始同仇之旅雲集東向於是殫外解物力竭海內精神日夜供億薊門而惟恐或後方竊謂饋餉庶幾無缺飽騰從此有資而不料總理馬世龍以數月無餉入

告也恭奉

明旨令臣部查明具奏因從頭打筭按數稽查則所謂月餉不敷者果指目前之缺乏乎抑指從前

之缺乏乎夫計口授食因兵數餉臣部之職掌也薊門有援兵亦有主客兵各有分屬有應支行糧亦有應支月糧原不容濶擬餉司何朝宗報稱駐薊援兵約四萬餘月支塩菜三萬六千兩零官廩月支三四千兩召買草束并運價每月可得一萬四五千兩又主客兵守禦及在各路者約用新餉一萬兩舊餉年例二萬兩臣部遂以八萬五千爲目前定額矣因查新餉之解薊者如正月分曹愈新鮮一萬兩郝奎光解二

萬兩吳國英解三萬兩黃文秀解三萬兩二月
分郝奎光解一萬兩王有功解五千兩曹愈新
等解二萬兩郝奎光解二萬兩曹愈新解二萬
五千兩三月分郝奎光解二萬兩曹愈新解二
萬兩是三月間已發過二十一萬矣至如舊餉
郝奎光曹愈新三次共領過春季年例銀五萬
兩又三月內補過喜峯路去年冬季年例三千
二百七十餘兩又陸續發過吳自勉充世祿王
承恩充世祿王文善抵充邊鎮月餉銀八千五百

三十兩按之正額所發已無不足矣不特此也
據監紀丘禾嘉報祖帥合兵開平遂發二萬差
官曹愈新解至豐潤今監紀現取用一萬仍存
一萬又王有功二次解銀一萬接濟三屯至如
總理馬世龍所統關兵行糧之外又支月餉四
次共支過十萬九千一百七十餘兩且當進關
入援之日已將十一月十二月餉銀俱經閣部
借商措給移文在卷通計行月二餉已支至本
年三月終矣細括兵數原報之外既不能加多

而臣於八萬五千之外又各有給發其它本色
行糧料草據該餉司亦稱津通水陸轉運及本
地召買支放不缺臣部自分於薊可謂隨處照
管備極周詳如是而尚謂不敷臣殊不得其解
也或者謂二年之餉尚有缺乏乎復查二年舊
餉原額二十九萬五千五百五十餘兩發過二
十八萬八千二百七十餘兩而未發者不過七
千二百七十餘兩耳新餉原額二十九萬六百
六十餘兩除發過二十五萬六千五百餘兩所

欠不過三萬四千餘兩耳而二年以前未有欠也去冬遵化失陷中協敗衄凡籍於行伍者或投逆奴以髡首或爲原野之青燐不知凡幾卽現在荷戈食糧之兵或可屈指臣俱嫌於越俎而未敢一置問近日督撫募兵已屢贖

宸聽矣如曰士著舊兵從前尚有壓欠是或有之然旣見發月餉又盡索從前壓欠無論非臣部力量可辦恐亦不便爲各鎮開端者合無將從前所欠銀兩查明真正壓欠月分銀數於逐月見

發外每季補給舊欠月餉一月以慰軍士之心
以鼓敵愾之氣務擇舊在堂路者給發而頂補
者不得與焉此又臣部曲體軍心而權爲通變
以應事者之請也既經移會前來相應覆

請恭候

命下臣部移文各該督撫監軍衙門遵奉施行

崇禎三年三月二十九日具

題四月初三日奉

聖旨據奏餉餉解發無欠且虛伍損額俱未停支如

何輒稱餉缺此必經管給放或有他情着何朝宗
用心清查務使軍沽實精將無借口仍行督臣實
開需餉兵數明白奏來以便該部按給餘依議欽
此